

Kamo Lingeloi  
Nelitezi Kuna

ka

Rev. William Marrion Branham



## Manzwi Apili

Ki buitumelo kwa tabo ya mina ku muuna Mulimu ya ishuwile yo, Muzwale William Branham.

Kuzwa ka nako ya kupepwa kwa hae, mwa naha ya malundu a Kentucky ka Lungu 6, 1909, liponiso za buipiteli libile li latelela bupilo bwa hae. Buka nyana ye i ambola bupilo bwa hae, ka manzwi a hae luli, ka mwanaa matezi kusaba pizo ya Mulimu kufitela mane apalelwa kumata, mi niku neela bupilo bwa hae, hasamulaho wa kubaka kwa hae, mi sa to ba mukutazi wa Evangeli ya Mulena luna Jesu Krete.

Bulumiwa bwa Rev. Branham nebu etelela li ancafazo ze tuna za li foliso ze ne zikinyize America mwa ma 1940. Ka kulumela kwa mañi ni mañi kuli nali mutanga' Mulimu, na lutile kuli Bibeledi Linzwi la Mulimu leli na ni mata ni kuli lisepero zeli ku Yona neli fela za niti kacenu sina mone li inezi ka nako yeli bulelwa.

Mikopano ya hae kwa Greyville Race Course mwa Durban, South Africa, Njimwana 21-25, 1951 neli mikopano yemituna ya bulapeli yekile yaba mwa South Africa ka nako yani. Batu baba kona kueleza 100,000 nebakeni kwa sebelezo ya mafelelezo, mi batu ba 30,000 neba sikuluhile hasamulaho wa ku etelelwa kwa litapelo zapili.

Buñata bwa babuleli baba etelezi ba kacenu nebali teñi mwa mikopano ye ya mupolofita-wa-Mulimu mi ni ku mu kuteka hahulu, hamoho cwalo ni Muzwale Tommy Hicks, Muzwale Oral Roberts ni Muzwale Tommy Osborn.

## Siswaniso Sa Buipiteli

Siswaniso se sesi makaza nesi swanisizwe ni Muzwale William Branham mwa Houston, Texas, ka Sope ya 1950, ki ba Douglas Studios.

Fani ba swanisi, Bo. James Ayers ni Bo. Theodore Kipperman, hane ba zwisize siswaniso, neba komokile ku fumana kuli kuna ni Liseli fa halimu a toho ya Rev. Branham. Neba si kabona kale se si cwalo haisali, mi hakuna ni yomuñwi wa bona yana kona ku utwisisa ku bonahala kwa liseli le. Habusa ka leli tatama seba biza Muzwale Branham ni babañwi mwa mukopano wa hae. Ne ku talu sizwe ku bona kuli siswaniso sani se si swana nise nesikile sa kopiwa kale kono Liseli ne lisika bonahala kale sina mo Li bonahalela mwa siswaniso se.

Siemba sa negativu nesi i sizwe ku George J. Lacy, Mutikitibi wa Mapampili A lipuzo waba Federal Bureau of Investigation, ili kubona haiba luli kamba kutokwa liseli fahalimwa toho ya Muzwale Branham neikona kuba ku monyeha ko kusa swaneli, ku ekezeha kamba kuhasana. Bo. Lacy neba lumezi ku tatuba negativu mi ni kufa munahano wa bona ka yona. Ka nako ye swanela hana lukela kufeza li tatubo za hae ni mihupulo ya hae ku ezwa, sa taha kwa sibaka sa malitelo ko ma membala ba sikwata sa Branham, ni babihi ba makande ni babañwi neba nze ba libelezi. Hakena mwa sibaka abuza kuli William Branham nali ufi. Muzwale Branham ki ha yema mi a bonisa ku itibahaza kwa hae. Bo. Lacy bali, “Rev. Branham, uka shwa sina batu babañwi kaufela, kono, ibile fela kuli kuna ni zwelopili ya Bukreste, siswaniso sa hao sika pila kamita.”

Mwa piho ya hae ya likute, ye ñozwi kakutala mwa makepe atatama, Bo. Lacy neba bulezi ka ku tomahanya kuli: “Ka ku zwelapili, Ni sana ni muhupulo o tiile kuli liseli leli fa halimwa toho mwa mufuta o sikami li tisizwe ki lumonyi lone lu monyehile fa negativu.”

Siswaniso se cwale si silelelizwe, siswaniso sa buipiteli bwa za Moya. Siemba sa Sona sa lepelela mwa muyaho ulimuñwi wa mwa Washington, D.C.



William Marrion Branham

George J. Lacy  
Mutikitibi wa Mapampili a Lipuzo  
Shell Building  
Houston, Texas

Sope 29, 1950

### PIHO NI MUNAHANO

Taba: Puzo kaza Negativu

Ka Sope 28, 1950 ka kupo ya Reverand Gordon Lindsay, yana yemela Reverand William Branham wakwa Jeffersonville, Indiana, Ne ni amuhezi ku zwa kuba Douglas Studios ba 1610 Rusk Avenue mwa tolopo ye, ka pepa kaka likana fa 4x5 kene ka pikicizwe ka siswaniso. Siswaniso se nesi bonahala kuli nesi swanisizwe kiba Douglas Studios ba Reverand William Branham ili kwa Sam Houston Coliseum mwa tolopo yona ye, ka nako ya poto ya hae kwanu kwa mafelelezo a Sope, 1950.

### KUPO

Reverand Lindsay na kupile kuli Ni tatube kuya ka sayansi kuamana kaza negativu yene bulezwi. Na kupile kuli Ni nyakisise, haiba ku konahala, haiba kamba kutokwa ka muhupulo waka negativu ne ilyanganisizwe ku cinciwa kamba "kushimbululwa" ka nzila kaufela, kuya ka nako yene si pangiwa siswaniso se, sene sika eza lumonyi mwa mufuta o sikami fa halimwa toho ya Reverand Branham.

### TATUBO

Lipangaliko ze bona lika zetuna ni ze nyinyani hamoho cwalo ni ku balisisa neli ezizwe kwa maneku amabeli kaufela a siswaniso, kiba Eastman Kodak Safety Film. Maneku amabeli cwalo na tatubilwe mwatasa liseli leli sefilwe la maswaniso a mubala wa lihalimu-otibile mi maswaniso a mubala wabu-fubelu na kopilwe ku ona.

Kutikitiba kwa sipangaliko sa maikrosikopu ne ku palezwi ku patulula ku cinciwa kwa siswaniso kaufela ka linzila lifi ni lifi ze i tusingwanga mwa ku shimbulula maswaniso amañata. Hape, tatubo ya kutikitiba kwa maikrosikopu ne i palezwi ku patulula kezahalo kaufela ya liseli la lumonyi mwahali kamba kwa tuko a liseli leli bulelwa.

Tatubo ye talima fa ku kauhanya liseli nei palezwi ku bonisa butata bone buzwa kusili, kamba niheba linepo za ku sinyeha kwa maneku kaufela a mabeli a negativu, ze ne ka kona kupanga lumonyi lwa liseli, ka nako yene ku pangiwa negativu ye.

Siswaniso sa mubala wabu-fubelu nisona nesi palezwi ku bonisa sika kaufela sene sika bonisa kuli ne kuna ni ku swalaswala ka ku cinca ko ne ku ezizwe fa siswaniso.

Niyona tatubo ne i palezwi kubonisa sika kaufela sene sika bonisa kuli negativu ye bulelwa ne i swalani ni negativu yeñwi kamba kuba negativu ye monyehilwe habeli.

Ne ku sina sene si fumanwi sakuli si bonise kuli liseli la lumonyi leli bulelwa neli tahile ka mukwa wa ku tapisa. Kamba mane niheba ku fumaneha sesiñwi sene sika supa kuli neisika tapiswa ka mukwa wo zibahala mi ni swanelo yateñi. Nekusina sene si fumanwi mwa swanisiso ya buima bwa liseli lene li sa zamaeleli.

### M U N A H A N O

Ku itinga fa tatubo ye fa halimu ye bulezwi ni ku balisisa Ni na ni munahano wo tiile kuli negativu yetisizwe kuli itatubiwe, ne i sika cinciwa kamba mane ku lyanganisiwa kamba kumamekiwa habeli fa negativu iliñwi.

Kaku zwelapili, Ni nani munahano o tiile kuli lumonyi lone lu monyehile fa halimwa toho mwa mufuta osikami nelu tisizwe ki liseli lene li natile fa negativu.

Lifilwe ka likute,

## KAMO LINGELOI NELITEZI KUNA

Liñusa le ka Muzwale William Marrion Branham, sapili neli kotalizwe mwa Sikuwa la Mubulo manzibwana, Sope 17, 1955, ili fa Lane Tech High School, mwa Chicago, Illinois, U.S.A., lizusizwe fa tepu ya magesi ya manzwi ni ku pulintiwa kusina ku ekeza sika mwateni mwa Sikuwa. Toloko ye ya si Lozi nei pulintilwe ni ku hasanyiwa mahala feela kiba Voice Of God Recordings.

LOZI

©2015 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)



# Kamo Lingeloi Nelitezi Kuna



Mi mizwale kaniti ba kaba ni...Ni bona ba bañata nyana baba sweli ku rekoda fafasi fa, mi baka nopa se, luli faa. Nako kaufela ha mubata kuziba seo Moya o Kenile no bulezi ku mina, mubone mizwale kwanu ba ba nani matepu akungela manzwi, baka mi kutiseza yona mwa mulaho, mwa kona ku i kutwela taba ya mina hande. Mi mulibelele haiba ha ku ezahali ona cwalo mone I ambolezi, mwabona. Hamu utwa i bulela kuli “KISONA SA BULELA MULENA, ‘Sika sa kuli, kamba *se* si mwa nzila *ye*,’” kamba musi tatube feela mi mubone haiba ki niti kamba kutokwa. Mwabona? Ku banga cwalo nako kaufela.

<sup>2</sup> Cwale, kaku kala feela taba...Mi Ni mutu yatabezi hahulu busihu bo kuli lu baba likani feela mo. Lu batu fela ba lapa lili liñwi, nji cwañi? Halu cwalo, hakuna niyomukana waluna, yali mueñi. Ha luna...Na kona kuitusisa feela sikuwa saka sa kwa Kentucky ni ku ikutwa ku lukuluha cwale, kakuli lu—lu feela...Mi faa ha Ni nyazi Kentucky cwale, haiba kuna ni yomukana mo yazwa kwa Kentucky. Kana kuna ni yazwa kwa Kentucky mo nji? Muyemise mazoho amina. Muli! Ni lukela ku ikutwa ku lukuluha, nji cwa Ñi? Sani kise sinde luli.

<sup>3</sup> Boma neba uta batu babañata mwa lapa. Mi Ne ni ile kwani zazi leliñwi ku yobuza...Mi sikwata sesituna sa batu nesi kopani kwani, mi tafule ye tuna, ye telele neitomilwe teñi. Mi se Nili, “Ki babakai mo babazwa kwa Kentucky, amu yeme.” Kaufela seba yema. Mi se Ni ya kwa keleke busihu bwani, keleke yaka, mi se Nili, “Kibabakai mo babazwa kwa Kentucky?” Kaufela seba yema. Kacwalo se Nili, “Kulukile, luli ku hande.” Babuleli ba ezize musebezi o munde, kabakaleo luitumezi hahulu ka seo.

<sup>4</sup> Cwale, mwa Buka ya Maroma, kauhanyo ya 11 ni timana ya 28. Muteleze hande cwale kwa palo ya Liñolo.

*Kwa neku la evangeli, ba talimwa kuli ki lila ka bakala mina: kono kwa neku la buiketelo, ki balatiwa ka ba...ka ba kala bashemi.*

*Kakuli limpo ni lipizo za Mulimu halitokwi ku libakela.*

<sup>5</sup> Ha lu lapeleñi. Mulena, lutuse busihu bo halunze lu atumela se ka likute, ka lipilu za luna kaufela, mwa busepahali, lika ze liambolwa feela kwa kanya ya Hao. Mi u nituse, Mulena, mi ubeye mwa muhupulo waka lika feela zelukela kubulelwa ni buñata bwa za ku ambola. Uni tuhelise haseli nako ya Hao. Ni kupa kuli lipilu kaufela liamuhele lika ze kwa foliso ya bakuli ni ba ba shebile mwa sicaba se. Kakuli Ni likupa ka Libizo la Jesu Krete. Amen.

<sup>6</sup> Cwale, Ni bata kuatumela tuto ye halusali baba nyinyani feela. Mi—mi Ni kalika kusa mi liehisa hahulu, Ni kabeya waci yaka fa ni kulika katata ku mi lukulula kanako kuli muyokuta kamuso busihu. Cwale, mube mwa litapelo. Ha nisepi kuli mushimani ufile makadi. Hani sika mubuza haiba u...Mi haiba haba sikafa kamba bafile kamba ha ba sikafa, akuna butata. Luna ni makadi mo nihakulicwalo haiba lu ka bata amañwi. Kacwalo, haiba hakucwalo, kupalañi, luka bona fela seo Moya o Kenile ubulela.

<sup>7</sup> Cwale, haiba muka teleza hande...Cwale, se sakona...kuba kuli Ni...Ki luna feela baba nyinyani mo, ki nako yende ya ku ambola ze, kakuli li—li ama butu bwa ka tota. Mi kona libaka le Ni balezi Palo ye busihu bo, fakuli mukone kubona kuli limpo ni lipizo haki lika zeo mutu aka i kuhumuseza.

<sup>8</sup> Paulusi wabulela fa, naize, “Bona Majuda, mwa nzila ya Evangeli, neba fofalizwe ni kuba kwahule ni Mulimu, kuli, kabakala luna.” Kono timana ye fahalimu ayeo, ili, “Isilaele kaufela uka piliswa.” Isilaele kaufela uka piliswa. Kuya ka ku ketiwa, Mulimu Ndate ubalatile ni ku bafofaza kuli luna Bamacaba lube cwale ni sibaka sa kubaka, kuli, ka Abrahamama, Lipeu za hae neli kafuyola lifasi loote kuya ka Linzwi la Hae. Mwabona butuna bwa Mulimu

mo buinezi? Linzwi la Hae liswanela kuba ona cwalo. A koni kuba sika sesiñwi feela. Mi cwale lwa, ka... Mulimu ulu ketile; U ketile Mujuda; mi Wa...

<sup>9</sup> Lika ze kaufela ki kuziba kwa Mulimu. Ha Na bulezi kazona mo kuka bela, Na zibile isali lwapili. Cwale, Mulimu, fakuli abe Mulimu, kwa simuluho Na nani kuziba maungulo kusi cwalo Na sikaba Mulimu ya sashwi. Mulimu halati kuli niyomukana ashwe. Batili sha! Ha lati kuli niyomukana ashwe. Kono kwa simuluho ya makalelo a mazazi, li—li fasi, Mulimu nazibile handende baba ka piliswa ni ba ba sike ba piliswa. Na salati kuli batu ba latehe, “Haki tato ya Hae kuli niyomukana alatehe, kono ki tato ya Hae kuli apilise batu kaufela,” kono Na zibile kuzwa kwa simuluho yanaka piliswa ni yana sike apiliswa. Kona libaka Ha na ize, “Sika *se* sika ezahala. Sika *sani* sika ezahala,” kamba, “*Se* sikaba *sani*. Mutu *yo* ukaba ka nzila *ye*.” Mwabona?

<sup>10</sup> Na zibile kale kakuli ki Ya sashwi. Haiba mwa ziba taluso ya seo, sani ki, “hakuna sika sa Sa zibi.” Mwabona, Wa ziba. Kulukile, hakuna sene siinzi kwabuse bwa nako, neba nako hase i felile, mwabona, U sa ziba lika kamukana. Lika kaufela limwa muhupulo wa Hae. Mi cwale sina Paulusi hana bulezi mwa Maroma, likauhanyo za 8 ni 9, “Cwale ki kabakalañi Ha fumana bumaswe he?” Kacwalo lubona kuli, kono Mulimu...

<sup>11</sup> Sina ku kutaza Evangeli. Yomoñwi naize, “Muzwale Branham, kana wa lumela Seo?”

Se nili, “Talima.”

Ali, “U lukela kuba mu Kalvini.”

Se nili, “Ni mu Kalvini ibile fela mu Kalvini iteñi mwa Bibebe.”

<sup>12</sup> Cwale, kuna ni mutai kwa Kota, obizwa Kalvini, kono kuna ni mitai yemiñata kwa Kota, hape. Kota ina ni mitai yemiñata. U bata feela kui meliseza mwa Silelezo ya Kuyakuile, mi hasamulaho muya kwani kwa Puluso ya lifasi kaufela mi muyo tulukela fa sibaka sesiñwi, hakuna mafelelezo kuyona. Kono ha

mu kafeza kuzwa mwa Kalvini, mukute fa halimu mi mukale ni Armenia. Mwabona, kuna ni mutai omuñwi fa Kota, ni mutai omuñwi fa Kota, muzwele fela pili. Lika zeo hamoho lipanga Kota. Kacwalo Na lumela mwa—mwa . . . mwa bu Kalvini ibile feela bufumaneha mwa Mañolo.

<sup>13</sup> Mi Na lumela kuli Mulimu nazibile mutomo wa lifasi usika tomwa kale, naketile Keleke ya Hae ku Krete, mi na bulaile Krete mutomo wa lifasi usika tomwa kale. Mañolo kona sabulela, “Naali Ngunyana ya Mulimu ye tabilwe haisamba lifasi litomwa.” Mwabona? Mi Jesu naize kuli Na luzibile lifasi lisika tomwa kale, Paulusi naize kuli, “Na—Na luzibile ni ku luketa ka ku añulwa kwa bana ka Jesu Krete lifasi lisikabe litomwa.” Yani ki Mulimu. Yani ki Ndata luna. Mwabona?

<sup>14</sup> Kacwalo musu bilaeli, lika lizamaya feela hande, lika kaufela litaha feela ka nako ye swanela. Taba feela ki, kuli, hamube mwa nzila. Mi seo kona—kona siemba se sinde ka sona, fohe mukaziba mwaku belekela hamuse muli mwa nzila.

<sup>15</sup> Cwale, mulemuhe cwale, “Limpo ni lipizo halitokwi ku libakela,” yeo kona nzila feela yeo Ni kona—kona ku tomahanya pizo yaka ku Mulena ka ku zamaelela ni Mañolo. Mi nisepe kuli Ni na ni balikani busihu bo bao balukela ku utwisisa hande se nikutokwa kunahana kuli siama na, kono kikuli mube ni kutwisiso mi ni kuziba feela zeo—zona zeo Mulena a ambola kuli Una ni kulieza, ni kufumana nto yeñwi izamaya ni kui latelela.

<sup>16</sup> Cwale, kwa simuluhó, sika sa pili se Ni kona kuhupula ki pono. Taba yapili yeo Ni kona kuhupula mwa munahano waka ki pono yeo Mulena na ni file. Mi seo ki kale, lilimo zeñata kwa mulaho, ne Ni li mushimani wa mwanana nyana. Mi ne Ni sweli licwe mwa lizoho.

<sup>17</sup> Cwale, mu Ni swalele, Na hupula hane Ni sa tinanga ndelesi yetelele. Hani zibi kana mina (yomuñwi wamina kaufela) baba hulile yakona kuhupula fani bana baba shimani hane ba tinanga ma ndelesi

amatelele. Ki babakai mo baba hupula fani banana haneba tinanga, eeni, mandesi amatelele? Kulukile, Na na hupula, nili mwa situngu sa kale mone lupila, ne Ni hohoba fafasi. Mi neli yomuñwi, ha Ni saziba kuli neli mañi, yanatilo kena. Mi Boma neba lukezi kasila ka—ka mubala wa ndilu fa ndesi yaka. Mi fani ne Ni sika zamaya kale. Kono ne Ni hohoba ka nako yani, mi se Ni cupwa munwana waka kwa mautu abona, mi neni sweli kuca litwa lene likakatezi kwa mahutu abona aneba yemi bukaufi ni mulilo, ka kuifutumaza. Nahupula boma habani natela mukwa wani.

<sup>18</sup> Mi kuzwa foo sesiñwi se Ni hupula, nekuse kufitile lilimo zepeli hasamulaho, ne Ni sweli licwe lelinyinyani. Mi fani ne ni kuma fa lilimo ze taalu, mi munyanaka wa mushimani nana ni lilimo ze peli cwalo. Mi cwale neluinzi fande kwa mulaho wa lapa ili mandamino kone kunani patelo ya kale koneba tisanga likota za mulilo kuto libundeka ni kulilemaka. Ki babakai baba hupula mazazi ani hane mulemanga likota kwa mandamino? Kika bakalañi ha Ni tinile tai busuhu boo? Ni—Ni inzi fa lapa.

<sup>19</sup> Mi cwale haneba . . . Kwande kwani mwa patelo ya kale nekuna ni mutai kwateni, ono zwelela kwa ka weluwelu. Neluna ni mukope kwani kwa lisima one lukisa mezi kusela mwa lihemele, hemele yakale ya kedare, ni ku ashetumuna.

<sup>20</sup> Na hupula lwa mafelelezo ha ne Ni boni bokuku, basika timela kale, neba nani lilimo ze mwanda ni zelishumi zakupepwa. Mi hane bashwile, se Ni banga mwa mazoho niku baswala sina cwana honafani basika shwa kale. Seba ni beya mazoho fa halimu, niku bulela kuli, “Mulimu afuyole moya wa hao, mulatiwa, cwale ni kuyakuile,” mi seba shwa.

<sup>21</sup> Mi ha Ni sepi kuli musali yani nakile abanga fateni ni—ni makatulo, mwa bupilo bwa hae. Mi Ni hupula hane niba talima, mane neba hane Ni sali mutangana, neni yo ba lekulanga kuba bona, zazi ni zazi kakusasana neba zuhanga, mautu utu, ni kuzamaya mwa litwa mwani kuya kwa lisima, kuyo ka mezi mwa lihemele ni kukuta, mautu abona anze

ahatikela mwani. Kacwalo haakoni kumi holofaza, neba pilile lilimo ze mwanda kaze lishumi. Kacwalo (eeni, sha) neba pazauhile hahulu, hulu, luli.

<sup>22</sup> Cwale Na hupula hane babata kuni bulelela kaza tucwe tone ba bapalisanga bo ndate hane basali mushimani. “Mi mucembele wa teñi yani,” Seni hupula, “u ka fita cwani fa halimu fani?” Katungu, kaka nyinyani ka tubaka totubeli, mi neka nani sibaka sa fahalimu fani. Mi neba lemile mitai yemibeli, fone ba pangisize manela, ya ku pahamela. Kihande, se Nili. . .

<sup>23</sup> Kihande, cwale, se bali, “Cwale, hasamulaho wa mulalelo Ni kaku kandekela, nika kubonisa tumacwe twa—twa bo ndataho.”

    Mi se Nili, “Ku lukile.”

<sup>24</sup> Kona kuli neba nani kuni bonisa tona, mwa mukotana fa ndu yafa halimu kone ba beyanga libyana za bona sina babahulu mo ba ezezanga. Mi se Ni hupula kuli, “Kana baka kona cwani kupahama fani fa manela macembele bani?” Kacwalo se Ni ya teñi mi Na li, “Kuku,” Se nili, “cwale, hamulitele, mulatiwa, Ni ka pahama ni mituse.”

<sup>25</sup> Se bali, “Yema kwa tuko.” Fona fa manela fani seba pahama sina kamale. Se bali, “Kulukile, taha cwale!”

    Mi se Ni li, “Ki hande, Kuku.”

<sup>26</sup> Senito hupula, “Oh, mwai, kambe ne Ni kaba feela sina cwalo, mata a cwalo kuna ninze nina ni lilimo ze mwanda kaze lishumi!”

<sup>27</sup> Cwale, mi Na hupula inge nili fa lisima lona le, ne Ni sweli licwe ninze ninata fafasi sina cwalo, mwa sileze, neli kubonisa munyanaka mone Ni tiyezi. Mi nekuna ni kanyunywani kene kainzi kwa kota kasweli kulila, kufufa fufa, neli kambalamatende kapa ka sili. Mi, kambalamatende kani, ne Ni hupula kuli ka ambola kuna. Mi se Ni fetuha kuli ni teezeze, mi kanyunywani ka fufela kusili, mi Linzwi lali, “Uka pila nako yetelele ya bupilo bwa hao fakau fi ni tolopo yebizwa New Albany.”

<sup>28</sup> Kwani ki limaele ze taalu kuzwa kone Ni hulezi. Seluya, hasamulaho wa silimo cwalo, kwa sibaka, nisina muhupulo wa kuya...kwa New Albany. Mwahala bupilo bwaka, lika zani mo...

<sup>29</sup> Cwale, mutalime, sicaba sahesu nesi balapeli. Bo ndate ni boma nebasa yangi kwa keleke. Hasamulaho pili, neli ba Katolika.

<sup>30</sup> Mwana kezelaka yomunyinyani uteñi mwahali mo busihu bo, Na sepa, ha Ni zibi. Ki musole. Na mulapelela kwateni niyena. Yena kiwa Katolika, usali mu Katolika. Mwa mukopano wa mabani, wo felile hanali kwanu naboni lika zani za Mulimu, hanayemi ona kwani kwa pata. Sa ali, inze ayemi fani, abulela kuli, “Bo Billy malume?” Sabile kwa hule fa nako yetelele, ali, “Hane Ni boni sani...” Ali, “Sani—sani hasi ezahalangi mwa keleke ya Katolika.” Sa ali, “Sani...Na—Na lumela, Malume bo Billy, mubulela niti,” a bulela.

<sup>31</sup> Mi kacwalo se Nili, “Mulatiwa, haki *na* ya lukile, ki Yena ya lukile. Mwabona, *Yena* kiya lukile.” Mi cwale sabulela kuli u...Na li, “Cwale, ha Ni kupi kuli ueze sesiñwi, Melvin, kono feela sebeleza Mulena Jesu Krete ka pilu ya hao kaufela. Uye kolata kuya kaufela. Kono ube yaziba mwa pilu ya hao kuli Jesu Krete upepilwe sinca, mwabona, mwa pilu ya hao. Kutuha fo uikele kwa keleke yo tabela hasamulaho.”

<sup>32</sup> Cwale, kono batu bene bali kwapili kuna neli ba Katolika. Bo ndate ki ma Irish ni boma neli ma Irish. Shutano feela yeneli teni mwa mali a si Irish, bo kuku neli ma Cherokee India. Boma neli baba kopani mali kwa neku leliñwi. Mi kacwalo se Ni...ku na, ki za... lusika lwa luna, hasamulaho wa masika amalaalu kipeto lwa fela. Kono yani kona feela taba yeni hanisa kuba mu Irish ya tezi, Harvey ni Branham neli lona libizo. Mi mwa mulaho wa yani neku tatami Lyons, nilona le kila si Irish. Mi cwale kaufela bona neli ba Katolika. Kono na, nelusina lituto za bulapeli ni hanyinyani, sina bana.

<sup>33</sup> Kono limpo zani, lipono zani, ne Ni bonanga lipono sina feela mo Ni libonelanga cwale, yeo ki niti,

kakuli limpo ni lipizo halitokwi ku libakela. Ki kuziba kwa Mulimu, Mulimu aeza sika. Mwahala bupilo ne Ni sabanga kubulela sesiñwi ka zona.

<sup>34</sup> Mubalile likande laka mwa kabuka nyana kakabizwa kuli *Jesu Kreste Ya Swana Maabani, Kacenu, ni Kuyakuile*. Na sepa lifumaneha mwa libuka zeñwi, ze lisili. Ki niti yeo, Gene? Kana ki kuye, buka yelu ziba—yelu ziba, mwa—mwa buka ye lunani cwale? Ki yona, *Likande Labupilo*? Na sepa ki yona. Mi ne lunani. . . Haki sesi maswe seo? Libuka zaka tota, mi mane ha Ni sika libala kale, na kasibili. Kono kuna ni ya liñolanga, kona kuli kunani seba utwile mwa mukopano. Ni fitile mwa lika zani, kacwalo Ni kulubela nto yeñwi kuezahala ka nako kaufela. Kacwalo, he, ki zende, Ni balile zeñwi za zona cwale, fa ni fa, Ni sa fumana feela sibaka.

<sup>35</sup> Mi cwale, nihakulicwalo, sina mu—sina mushimani yomunyinyani, mwa ziba kamo pono nei ambolezi kuna, ne Ni nani lilimo ze supile za kupepwa, na ize, “Usike wa nwa kamba kuzuba kamba kusilafaza mubili wa hao ka nzila kaufela, kukaba musebezi wo lukela kueza hase uhulile.” Mi mu utwile sani sibulelwa mwa buka. Kihande, yeo ki niti. Nako ye kaufela libile liezahala.

<sup>36</sup> Hane Ni bile mukutazi, kihande, mi seku—seku ezahalanga onacwalo ka nako kaufela.

<sup>37</sup> Mi Na busihu bobuñwi ne niboni Mulena luna Jesu. Ni bulela se ka kulumelezwa, Na lumela, kuzwa kwa Moya o Kenile. Lingeloi la Mulena leli tahanga haki Mulena Jesu. Hali bonahalangi sina Yena mwa pono yeswana. Kakuli, pono yene Ni boni ya Mulena Jesu, Na ali Muuna yomunyinyani. Na si. . . Ne nili kwa nde mwa simu, inge nilapelela bo ndate. Se Ni kuta kuyo kena mwa mumbeta, mi busihu bwani ne Ni batalimile mi se Nili—se Nili, “Oh Mulimu, ba pilise!”

<sup>38</sup> Boma nese ba pilisizwe kale mi ne Ni ba kolobelize. Mi Na to hupula, “Oh, bo ndate banwa hahulu.” Mi se Ni hupula, “Haiba Ni ka kona feela kueza kuli ba amuhele Mulena Jesu!” Seni zwela fande, seni lobala fa kaseme nyana mwa patelo kwa pata, bukaufi ni munyako.



<sup>39</sup> Mi Sesiñwi sesitoli ku na, “Haku nanuhe.” Mi se Ni nanuha, kuya ni zamaya cwalo, mi se nikuta mwa simu yeneli kwa mulaho waka, simu ya macacani a mañata.

<sup>40</sup> Mi fani, isi kwahule ni liñokolwa ze lishumi kuzwa kuna, nekuyemi Muuna; aapezi liapalo zesweu, Mutangana nyana; inza putile mazoho a Hae sina *cwana*; mulelu, omu kuswani cwalo; milili neiwa fa maheta a Hae; mi Na talima neku leliñwi kuzwa kuna, sina *cwalo*; ka mubonahalelo wa kozo. Kono ne Ni sa li utwisisi, mo mautu a Hae, leliñwi mwa mulaho wa leliñwi. Mi moya nonzo fuka, siapalo sa Hae sinze sipepela, macacani inza fukuzwa.

<sup>41</sup> Na hupula, “Cwale, mulitele fa muzuzu nyana.” Se nito ituma. Se nili, “Cwale, haniyo mwa buloko.” Mi se Ni kumula, kuloba kaemba nyana ka bucwani bwani, mwa ziba, kuitusisa sina kaku iconkomonisa mwa meno. Se nika beya mwa mulomo. Senito itemuna kutalima kwa ndu. Se nili, “Batili, ne Ni li mwa hali mwani ninze ni lapelela bo ndate, mi Sesiñwi sali zwela fande, mi fa kuyemi Muuna yo.”

<sup>42</sup> Nato hupula, “Yani ubonahala sina Mulena Jesu.” Nato hupula, “Ha nizibi haiba ku cwalo?” Na talima feela onacwalo, atalimile koo ndu yaluna iyemi cwale. Ka cwalo se Ni sikuluha neku leliñwi le kubona haiba ne Ni ka Mubona. Mi ne Ni boni lineku la pata ya Hae sina cwalo. Kono Yena . . . Ne ni na niku sikuluha neku leliñwi le kuli ni Mubone. Mi se Nili, “Uhm!” Ne Asika nyanganya. Mi Na hupula, “Na lumela Ni ka Mubiza.” Mi se Nili, “Jesu.” Mi Hana fetuhile, Na itemunile sina *cwalo*. Sani kona feela se Ni hupula, Na tilo otolola feela mazoho a Hae.

<sup>43</sup> Hakuna muswanisi mwa lifasi yakona ku swanisa sibupeho sa Hae, mibonahalelo ya sifateho sa Hae. Se sipetehile se Ni kile nabona kisani sa Hofmann sa *Toho ya Krete fa myaha ye Mashumi Amalaalu Kazetaalu*, Ni na nisona mwa libuka kaufela ni zeñwi kaufela ze Ni itusisa. Kakuli sani sibonahala mane inge sona, mi kutuha foo . . . kamba fakaufi luli, kaku swana mo kukonahalela.

<sup>44</sup> Na bonahala sina (Muuna) kuli Ha na kabulela lifasi nelika fela, mi mane atezi lilato lelituna ni mukekecima konji mu—mu...Ne ni tilowa feela. Mi mwahala musihali, Na toipumana nili mwa musihali tuna, hembe ya pajama ikolobile ka mioko, hane Ni to itebuha, ni zamaya, mwa simu yani ya macacani, kuya kwa ndu.

<sup>45</sup> Ne nibulelezi taba ye ku mulikanaka wa mukutazi. Sa ali, “Billy, Seo sika ku pulumukisa.” Yena ali, “Yani ki diabulosi.” Mi ali, “Usike wa angabaliswa ki lika ze cwalo.” Ne nili mukutazi wa Baptist ka nako yani.

<sup>46</sup> Kulukile, ne Ni ile ku mulikanaka wa kale. Na yo ina ni ku mu kandekela kaza Teñi. Se nili, “Muzwale, kisikamañi sonahana fa taba Yeo?”

<sup>47</sup> Yena ali, “Kuhande, Billy, Ni ka ku bulelela.” Yena ali, “Ni sepa kuli ulike kubuluka bupilo bwa hao, feela ukutaze sesi inzi mwa Bibeli mo, kaza sishemo sa Mulimu ni ze cwalo, ne Ni sike na ipulaisa kubata lika ze tabisa, sina ze cwalo.”

<sup>48</sup> Se nili, “Muñaka, ha Ni talusi kuli ni bata kulatelela lika ze tabisa.” Se nili, “Sika feela se Ni bata ki kuziba taluso ya sika se.”

<sup>49</sup> Yena ali, “Billy, lilimo za kale neba banga ni lika ze cwalo mwa likeleke. Kono,” ali, “fani ba apositola hane bafelile, lika zani lifelile ni bona.” Mi ali, “Cwale sika feela se lunani ki...mufuta kamukana wa ku bonelanga lika zani,” ali, “ki mioya, ya madimona.”

Se nili, “O Muzwale McKinney, u talusa seo?”

Mi ali, “Eeni, sha.”

Se nili, “O Mulimu, akuni utwele butuku!”

<sup>50</sup> Se nili, “Na—Na...Oh, Muzwale McKinney, kana uka—uka ba nina mwa litapelo kuli Mulimu asike a lumeleza kuli lino ni eza halela? Uziba kuli Na Mulata mi ha Ni lati kuba ya fosa mwa lika ze.” Se nili, “U lapele nina.”

<sup>51</sup> Yena ali, “Nika ezacwalo, Muzwale Billy.” Mi kacwalo seluba ni litapelo ona mwa—mwa ndu mwani.

<sup>52</sup> Ni kile nabuza bakutazi babañata. Taba yeswana neinze itaha. Mi se Ni kala kusabanga ku ba buza, kakuli neba hupula kuli ne Ni nili diabulosi. Kona kuli Ne—Ne nisalati kuba cwalo. Ne niziba mwa pilu yaka kuli sesiñwi nesi ezahalile. Cwale, kona zeo, neku—neku na ni sesiñwi mwa pilu yaka sene siezahalile. Mi ne Ni salati kuba cwalo, kutokwa.

<sup>53</sup> Cwale hasamulaho mwa lilimo, ne Ni utwile kwani kwa keleke ya First Baptist kone Ni putehelanga nako yani, ne Ni tilo utwa mutu yali, “Ali, no lukela ku yo bapotela maabani busihu nikuyo bautwa bani bapikuluhi babakenile.”

<sup>54</sup> Mi Na tohupula, “Bapikuluhi babakenile?” Mi mulikana ka, Walt Johnson, muopeli wa linzwi la besi, mi se Ni li, “Neli sikamañi seo, Muzwale Walt?”

Yena ali, “Ki sishañata sa ma Pentekota ba.”

Se nili, “Sikamañi?”

<sup>55</sup> Yena ali, “Ba Pentekota!” Ali, “Billy, kambe ukile wa bona sani,” ali, “neba sweli kupikuluha fafasi cwalo banze ba tulaka tulaka.” Mi ali, “Ne bali nebasweli ku yambutuka mwa malimi a sili kusi cwalo neba—neba sika piliswa.”

Mi se Nili, “Zeo li ezahalela kai?”

<sup>56</sup> “Oh,” ali, “ki mukopano wa tende womunyinyani kwani, neku leliñwi la Louisville.” Ali, “Batu baba nsu, luli.”

Se Nili, “Uh-huh.”

Mi yena ali, “Kuna ni makuwa babañata kwateni kwani.”

Se nili, “Neba eza zecwalo, nibona?”

Ali, “Eeh, eeh! Neba eza cwalo, nibona.”

<sup>57</sup> Se nili, “Seo sa sehisa, batu basweli kulyangana mwa lika ze cwalo.” Se nili, “Kihande, Ni bona kuli lu lukela fela kuba ni lika zani.” Ka la Sunda kakusasana, ha Ni na kulibala. Na sweli kuca makapi a olonji bakeñisa butuku bwa mwa mba bwa nanani, mi Ni bona feela mane inge kuli mone

kuinezi maabani. Mi Na hupula, “Kuyabana, kutula tula, ki mufuta mañi wa bulapeli wo bakaba ni ona kasamulaho?” Mi ka cwalo Na—Na zwelapili.

<sup>58</sup> Hasamulaho wa seo, ne Ni katani mucembebe yaliteni mwa keleke mo mwendi cwale, kamba nakile ataha kwa keleke, wa libizo la John Ryan. Mi ne Ni mukatani kwani. . . Muuna muhulu ni mulelu omutelele ni milili, hakulata uteñi mo. Ne ni hupula kuli u zwa kwa Benton Harbor kwanu, kwa Ndu ya David.

<sup>59</sup> Mi neba nani sibaka mwa Louisville. Ne ni lika kufumana batu bani, mi neba sibiza kuli ki Sikolo sa Bapolofita. Kabakaleo Na hupula kuli niye kwateni kuyo bona sene siezahala. Kulukile, ne Ni sika bona mutu ya alabana mwa mubu, kono nebana ni lituto ze nca. Mi kwani kona kone Ni kopani ni muuna muhulu yo, sa ni mema kuya kwa ndu ya hae.

<sup>60</sup> Seniya kwa kuyopota kwateni. Mi Na yofita kwani zazi leliñwi, ha Ni fita kwa ndu ya hae nasa ile kale, mi naile kwa sibaka sa mwa Indianapolis. Ali, “Mulena na mu bizize,” kona musala hae.

Se nili, “U tuhelela muuna yoo ku ya feela ona cwalo?”

<sup>61</sup> Yena ali, “Oh, ki mutanga wa Mulimu!” Mubotana wa kale ato timela mwa lisunda, nyana Ni utwa cwalo. Mi musali naipeile kuyena luli. Mwai, wani kona mufuta wa musali wa kuba ni yena! Yani ki niti. Niti kamba buhata, u sepahalile nihakulicwalo! Se nili. . . Kihande, ne Niziba neba. . .

<sup>62</sup> Cwale yena. . . Muzwale Ryan, uteni mo nji? Ha yo mo. Na liteñi zazi leliñwi, nji cwani, bashimani?

<sup>63</sup> Kihande, nebapila fela kaze ne bakona kufumana, mi yena nasina sakuca mwa ndu. Yani ki niti. Mi ne Ni sweli litapi nyana mwa kasa, kapa kanukana, mwa Michigan, mi se Ni kuta kwa—mi seNi kuta kwa sibaka. Mi mane nebasina neba mafula a likulube mwa ndu, kapa lisuzo, la ku tatehisa litapi. Mi se nili, “Ba mi siile kusina sika kaufela mwa ndu?”

Ali, “Oh, kono ki mutanga wa Mulimu, Muzwale Bill!” Ali, “Yena . . .”

<sup>64</sup> Mi se Ni hupula, “Kulukile, ifuyolwe pilu ya hao. Muzwale, Ni ka ku yemela.” Yeo ki niti. “U nahana hahulu kaza muuna hao, Ni itukisize kuba ni wena mi ni yeme ni wena mwa lika zeo.” Yani ki niti. Lutokwa basali ba bañata sina cwalo kacenu, ni baana ba bañata baba hupula basali ba bona ka mukwa ocwalo. Yani ki niti. Ne ikaba America ye nde haiba baana ni basali baba nyalani ne baka swalana cwalo. Mwa bunde kamba bumaswe, mupile ni bona. Ne kusike kwaba litelekano zeñata cwana.

<sup>65</sup> Kacwalo lwa—lwa ya kwa . . . Mi se Ni zwelapili. Hane ninze nikuta kwa ndu, neli taba yenca, se Ni to fita mwa Mishawaka. Mi se Ni tobona limota zenyinyani—zenyinyani zakale cwale, linze liyemi mwa mikwakwa, zebizwa . . . lina ni lisupo zetuna zeli, “Jesu Feela.” Seni hupula, “Ki sikamañi seo . . . ‘Jesu Feela,’ sani silukela kuba sa bulapeli.” Mi se Ni ya kwateni mi teñi ne ku yemi linjinga zeñozwi cwalo, “Jesu Feela.” Ma Cadillac, a mufuta wa Model-T Ford, kaufela, “Jesu Feela” ku zona. Na tohupula, “Kulukile, hanizibi kuli ki lika mañi zani?”

<sup>66</sup> Kacwalo Na li latelela mwa mulaho; seni fumana kuli, neli mukopano wa za bulapeli, batu babaeza mianda ye lishumi ka ye ketalizoho kuisa kwa likiti ze peli nebali kwani. Mi Na to utwa kaza ku huwaka kwabona ni kutula tula, ba nze ba zwelapili. Seni hupula, “Kuli, kwanu kona ko Ni ka bona bapikuluhi baba kenile.”

<sup>67</sup> Ka cwalo ne Ni na ni Ford yaka ya kale, mwa ziba, yene Ni ziba kuli ika mata limaele ze mashumi amalaalu ka hola, lishumi ka aketalizoho neku *le* ni a lishumi ka aketalizoho ku kambama ni ku shetumuka *neku* leliñwi. Kacwalo Na i zamaiseza kwa tuko, Ha . . . ha ne Ni fumani sibaka sa kuyemiseza, nikuto tuluka kuya cwalo mwa mukwakwa. Na zamaya, ninze nitalima talima, mi mutu kaufela nayemi yana kona kuyema. Ne ni batalimile kwa lito ho. Ne basweli ku huwaka, ni ku tulaka, banze bawa, kaku zwelapili. Nato hupula, “Whew, uhm, ki batu ba mufuta mañi ba!”

<sup>68</sup> Kono hane Ni yemi fani nako luli, kona mone Ni ikutwela bunde. Nato hupula, “Sani sibonahala kuba bunde.” Nato hupula, “Hakuna sesi fosahalile ni batu ba. Haba sika lyangana.” Neni tilo ikambota ni babañwi ba bona, kacwalo neli—neli batu babande. Kacwalo se Ni li. . .

<sup>69</sup> Kuhande, cwale, wani kona mukopano woswana kone Ni ilo ina busihu bwani kaufela, mi habusa Na yo kena. Mi muni utwile ninze ni ambola kaza teñi mwa likande la bupilo bwa ka. Ne niyemi kwa katala nibaba eza mwanda kababa mashumi aketa lizoho, kamba mianda yemibeli ya ba kutazi, kamba mane mwendi babañata, mi neba bata kuli mutu ni mutu aipulele kwa na zwa. Mi se Nili, “Mubuleli William Branham, Jeffersonville,” seni ina, “mu Baptist,” kacwalo, seni ina. Mutu ni mutu nabulezi kwa na zwa.

<sup>70</sup> Cwale habusa bwani hane Ni ile kwani. . . Ne nilobezi mwa simu busihu bwani kaufela, mi neni hainezi bulukwe bwaka mwahala lipula za mota yaka ya Ford, mwa ziba, mi se Ni—Ni. . . mwa bulukwe bwaka bwa seersuker, kausu yenyinyani, mwa ziba. Kacwalo habusa kale litatama Na ya kwa mukopano, ne nitinile kausu yaka yenyinyani. Se ni ya. . .

<sup>71</sup> Ne nina ni feela ma dollar amalalu, mi ne Ni na ni kulwala mafula a mwa mota ka buñata a kuzamaya ni ona. Mi Ne—Ne ni lwezi mufaho wa masikono, mufuta wani wa kale, mwa ziba, kono ne Ni iketile. Mi ne Ni tiloya kwa pompi, kuyo ikungela komoki ya mezi, mwa ziba, mi neli a mande luli. Kacwalo ne Ni a cimbekile nyana, kuli ibe mukushuko waka.

<sup>72</sup> Cwale, ne Ni kaca ni bona, cwale, nebaca habeli ka zazi. Kono hakuna sene Ni beile mwa koleko, kona kuli ne Nisa—nenisa lati ku bakataza.

<sup>73</sup> Kabakaleo Nayo—hasamulaho Nayo kena mwahali mwani kakusasa wani, seballi. . . Ni ka bulela feela siemba sateni. Mi kacwalo nakena teñi kakusasana wani, mi se bali, “Lu bata William Branham, mukutazi wa sanana yanali fa katala maabani, wa Baptist.” Bali, “Lubata kuli yena ato kutaza kacenu kakusasa cwana.” Ne nibona kuli neni

ka palelwa kuyema, mwahala sicaba sani, na nili mu Baptist. Kacwalo Na to ikundisa feela mwa sipula. Ne ni tinile bulukwe bwaka bwa seersuker cwalo ni kausu; mwa ziba, mi ne lutinile ka bukutazi luli, kacwalo... Na toina feela mwa sipula ona cwalo. Mi ba buza cwalo habeli kamba halalu. Mi ne Ni inzi bukaufi ni muzwale yo munsu.

<sup>74</sup> Mi mulelo one ba bezi ni mukopano wani kwa Mutulo, kakuli nekuna ni ketululo yetuna kwa Mboela. Kabakaleo ne ba sakoni ku kopanela kwa Mboela kwani.

<sup>75</sup> Mi Na tohupula seo “Jesu Feela” ne italusa. Mi Nato hupula kuli, “Ha ibile feela ki Jesu, ku lukile. Kona kuli hakuna shutano kamba ki... kamo ku inezi, haibile feela ki Yena.”

<sup>76</sup> Kacwalo Na toina fani nako nyana mi na batalima, mi kacwalo sebato biza habeli kamba halalu cwalo. Mi muzwale yani yo munsu atoni talima, mi ali, “Wa muziba nji?” Na—Na—Na... Ne ku nani ponahazo kwani. Ne nisa koni ku mu puma, ne Ni sa lati.

Se nili, “Talima, muzwale. Eeh, Na mu ziba.”

Yena ali, “Kihande, yo mu biza.”

<sup>77</sup> Seni li, “Kihande, Ni—Ni ka ku bulelela, muzwale,” se Nili, “Kina yena. Kono, wa bona,” se Nili, “talima, Ni... malukwe aka a seersuker a.”

“Zamaya kwapata kwani kanti he.”

<sup>78</sup> Mi se Nili, “Batili, Na hani koni kuya kwapata kwani,” se Nili, “ni nze nitinile, malukwe a cwana, ni kausu yenyinyani ye.”

Ali, “Batu ba ha ba na taba motinezi.”

<sup>79</sup> Mi se Nili, “Kulukile, talima, usike wabulela kaza teñi. Wautwa?” Se nili, “Bona, Ni tinile bulukwe bwa seersuker bo, Hani lati kuya fa pata fani.”

Ali, “Kana kuna ni yaziba koku inzi William Branham?”

Yena ali, “Ki yo fa! Ki yo fa!”

<sup>80</sup> Oh, mwai! Sifateho saka sa fubela luli, mwa ziba; ni sika tina tai, mwa ziba; ni kausu yenyinyani yani,

mwa ziba, ye nani mazoho a makuswani cwalo. Mi Na to ya kwani kwa pata, mazebe aka anze acisa. Ne nisika yema bukaufi ni maikulofoni.

<sup>81</sup> Mi kacwalo Na yo kutaza kwapata kwani, Na to nga tuto cwana, Hanina ku i libala, “Muuna wa mufumi a inula meto a hae mwa lihele, mi a lila.” Na, linako zeñata, ni ku tazanga lituto za manzwi a malalu cwalo, “Taha, utobona munna yo,” “Wa lumela se nji?” kamba “Mi a lila.” Mi ne Ni kutakela kubulela kuli, “Hakuna mapalisa, mi a lila. Hakuna mikopano ya litapelo, mi a lila. Hakuna bana, mi a lila. Hakuna lipina, mi a lila.” Mi se Ni lila.

<sup>82</sup> Hasa mulaho lumano zwa, kupalañi, mwai, nebasweli feela...mutu ni mutu na ni tingulukile, kubata kuli ni yo kutaza kwa mukopano wa bona. Mi se Nihupula, “Nali, mwendi Ni mupikuluhi ya kenile!” Mwabona? Kacwalo Nahupula kuli, “Hakulata...” Mwabona, nebali batu babande luli.

<sup>83</sup> Mi se Ni tuluka kuzwa kwani. Mutu yomuñwi yana tinile makatulo a cowboy, ni kuwani yetuna ya cowboy, se Nili, “Ki wena mañi?”

Yena ali, “Kina elder wa *Kuli-ni-kuli* yazwa kwa Texas.”

Nahupula kuli, “Kulukile, sani nesi bonahala...”

<sup>84</sup> Muuna yomuñwi na zamaya ni siputula sani sa knicker-bocker cwalo, mwa ziba, sene batinanga ha ba laha mbola ya golf, mi yomuñwi natile sweta yeñwi. Kiha li, “Kina Rev. Wa *Kuli-ni-kuli*, yazwa kwa Florida. Kana ulakaza kutaha utoba...”

<sup>85</sup> Nahupula kuli, “Ni inzi fa lapa, mushimani, nina ni bulukwe bwani bwa seersuker ni kausu. Sani ki sesinde luli.”

<sup>86</sup> Kacwalo, muse mu utwile kaza likande la bupilo bwa ka mwa lika zeo, cwale Ni ka yema nako nyana fa ni bulele ze Ni sika mibulelela kale. Sika sapili, Ni bata ku mibuza...Neni lukela kutuhela sani. Hani si ka sibulela kale mwa nyangela, mwa bupilo bwaka. Haiba musepisa kuli mwa ni lata mi muka lika kunilata hahulu hasamulaho Ni mano bulela se



sina ha Ni eza cwalo Ni sika bulela kale, mu nanule mazoho mina. Ku lukile. Yeo ki sepiiso ya mina, Ni ka mi yema ka yona.

<sup>87</sup> Hane ninze nili mwa mukopano busihu bwani, hane ba opela lipina nebasweli kukambela. Mi neba sweli kuopela, “Na...” Pina yani yenyinyani, “Na ziba neli Mali. Na ziba neli Mali.” Mi nebasweli kumata mata mwa hali mwani, ni lika kaufela, mi banze ba huwa ni kulumbeka Mulena. Na hupula, “Sani si utwahala bunde ku na.” Se nikala...

<sup>88</sup> Mi nebasweli ku ambola nako kamukana mwa Likezo, Likezo 2:4, Likezo 2:38, Likezo 10:49, kaufela zani. Na hupula, “Kuli, lani ki Liñolo! Ne nisikabe ni Libona sina cwalo haisali.” Kono, oh, pilu yaka ne icisa, nahupula, “Se ki sesinde!” Ne nihupula kuli ki sikwata sa bapikuluhi babakenile hane Niba katani lwa pili, mi Na hupula, “Oh, mwai! Cwale kanti ki sikwata sa mangeloi.” Mwabona, Ne ni cincize muhupulo waka ka pili.

<sup>89</sup> Kabakaleo habusa Mulena hana nifile nako ye yakuyo kutaza mwa mikopano yani, Na hupula, “Oh, mwai, Ni ka banga ni sikwata sa batu ba! Kona mufuta woneba bizanga kuli ki ma ‘Methodist ba lilata.’ Ne ni ile feela fa pata nyana,” Na hupula. “Mwendi cwalo kona mo kuinezi.” Kacwalo Na hupula, “Kulukile, Ni... Na lata cwalo luli. Oh, kuna ni sesiñwi ka bona se Ni tabela, ki baba ishuwile mi kiba bande.”

<sup>90</sup> Kono sene Nisa utwisisi neli ku bulela ka malimi kwani, sani satoni nga. Mi se Ni... Neku na ni muuna alimuñwi, nali, yana inzi *fa* ni yomuñwi *fa*, mi neli bona baeteleli ba sikwata. Yo natilo yema ni kubulela mwa malimi, *yani* wa toloka mi neba ambola kaza mukopano ni zeñwi cwalo. Nahupula kuli, “Mwai, whew, Ni lukela ku bala sani!” Kona kuli neba sweli ku cincana, kuzwa ku *yo* ni ku kutela ku *yani*; mi mutu ni mutu na bulela ka malimi, kutoloka. Babañwi ba mwa keleke neba kona kuambola, kono ne ku sabonahali kuli toloko neitaha sina baana ba babeli ba. Cwale, ne Ni bona kuli neba inzi bukaufi kuyomuñwi hamoho, Na hupula, “Oh, mwai, bani ba lukela kuba Mangeloi!” Hane ni sa inzi kwa mulaho kwani...

<sup>91</sup> Seo kaufela sani nesili sona (mwa ziba) sani ne Nisa siutwisisi, Ne si nze si nitahela. Mi Ni na ni nzila ya kuzibela lika ka yona haiba Mulena ubata kuli ni zibe, mwa ziba. Mi ha Ni...Ki kabakaleo Ni bulela kuli hani ipulelelangi zona, hanisika be mwahala nyangela. Haiba luli Ni bata ku fumana sika kaufela, Mulena hañata wa ni talusezanga zona lika ze. Seo kona libaka mpo ibezi teñi, mwa bona. Kabakaleo hamukoni feela ku bulelela batu lika ze cwalo, kinto yeswana sina kunepela lika zende kwa likulube. Ki ze petehile, ze kenile, mi musalati kueza cwalo. Kacwalo, Mulimu uka nifa mulatu. Sina ku ambola kwa mizwale ni zeñwi cwalo, ha Ni koni ku lika ku batisisa sika sesimaswe ku muzwale.

<sup>92</sup> Nako yeñwi neni inzi fa tafule ni muuna yomuñwi, yena nani beile lizoho fa halimu, ali, “O Muzwale Branham, Na ku lata.” Mi ne Ni ikutwa kuli nekuna ni sene si zamaya. Seni to mutalima. Na sa lukeli kuni bulelela cwalo; ne Ni ziba kuli nasa nilati, mwabona, kakuli nekuli ona cwalo. Kaniti yena naali muipi, haiba kukile kwaba ni yomukana, mwabona, mi onafani inzani kambekile lizoho.

<sup>93</sup> Se nili, “Kulukile, kihona,” sazwa kuikela. Hani lati kuli ni zibe sani. Ne ku kaba hande hane Ni ka muziba feela moni muzibela, kakuba muzwale waka, mi kube feela ona cwalo. Mulimu uka eza ze siyezi. Mwabona? Mi ha Ni lati kuli ni...hani zibi, nibata kuziba lika zani.

<sup>94</sup> Linako zeñata mwa lika ze, haki mo mwa keleke. Ni kona kuba mwa sibaka sa ndu, kuina moku lekisezwa lico, mi Moya o Kenile wa kona kuni bulelela lika zeka ezahala. Batu babali mo baziba kuli yani ki niti. Ni kona kuba kwa lapa laka mi Ni kabulela kuli, “Cwale, mu tokomele, kuna ni mota ye kataha fa nako nyana. Ikaba mutu wa *kuli*, ni *kuli*. Mu mu lumeleze ku kena, kakuli Mulena ubulezi kuli una ni kutaha kwanu.” “Haluka yo fita mwa mukwakwa, lika za *kuli* lika ezahala. Mu tokomele hamuka tula mukwakwa fani, kakuli mukabe mu hatilwe.” Mi mutalime feela haiba hakuna kuba cwalo, mwabona, nako kaufela, kwa petahalanga! Kamukwa ocwalo hamu tabeli

kuipeya hahulu mwa lika zani, kakuli mu ka... Ki—ki... Mwa kona kuitusisa yona, ki mpo ya Mulimu, kono mu lukela kutokomela semu eza ka yona. Mulimu uka mi atulela fateni.

<sup>95</sup> Mutalime ku Mushe. Mushe nalumilwe ki Mulimu. Kana mwa lumela cwalo? Na lemuhilwe, nazibilwe pili, mi napangilwe mupolofita! Mi Mulimu na mulumile kwani, ali, “Zamaya u bulele kwa licwe,” hasa mulaho limano natiwa. Ali, “Zamaya uyo ambola kwa licwe, mi lika tisa mezi alona.”

<sup>96</sup> Kono Mushe, kakunyema, amatela kwani kuyo nata fa licwe. Mezi nasika zwa, sa nata fateni hape, ali, “Mina bakwenuheli! Kana lu mi tiseze mezi kuzwa mwa licwe le nji?”

<sup>97</sup> Mwabona sana ezize Mulimu? Mezi na zwile, kono ali, “Kambamela kwanu, Mushe.” Ani neli mafelelezo a teñi, mwabona. Mulukela ku tokomela lika zeo, fakuli mu... semueza kaza limpo za Bumulimu.

<sup>98</sup> Sina feela mukutazi, mukutazi ya mata luli, mi uyo kutaza kuli aikungele feela linubu ni masheleñi, Mulimu uka mu atulela sani. Yeo ki niti. Mulukela kutokomela se mueza ka limpo za Bumulimu. Mi, kamba kulika kuezwa kabubo kakañwi kapa libizo leli tuna kwa keleke yeñwi, kamba libizo lelituna la kuikungela. Nekukaba hande ha ne ni ka ba ni mukopano wa masihu a mabeli kapa amalalu kwa sibaka sisili, ni nze ni ikokobelize, ni kuina fafasi. Mi mwa ziba se Ni talusa. Eeni, sha, nako kaufela muno ina mwa libaka mo Mulimu akona kubeya lizoho la Hae ku mina.

Se si mwahala Bupilo cwale, muhupule.

<sup>99</sup> Kacwalo he ka zazi le, ne Na hupula, “Kulukile, ni ka ya kwateñi.” Mi ne Ni nze ni komokiswa ki batu bani, Na hupula, “Nika batisisa ka baana ba babeli bani.” Mi fande mwa patelo ne Ni sweli kuba talima talima hasa mulaho wa sebelezo imano feela. Ne ninze ni talima talima. Se nito fumana alimuñwi wa bona, Na li, “Mu cwañi, muñaka?”

<sup>100</sup> Yena ali, “Mu cwañi!” Ali, “Kana ki wena mukutazi wa mwanana yana kutalize kakusasana wo nji?”

Se nili . . . Nenili wa lilimo ze mashumi amabeli ka zetalu ka nako yani. Se nili, “Eeni, sha.”

Mi yena ali, “Ki wena mañi libizo?”

Se nili, “Branham.” Mi Na li, “Minabo?”

<sup>101</sup> Mi sani bulelela libizo la hae. Mi Na hupula, “Kulukile, cwale, haiba ne Ni ka kona feela kulemuha moya wa hae cwale.” Mi ibo ne ni sa zibi zene niezisa cwalo. Mi se Nili, “Kulukile, bulela, muñaka,” Se nili, “mina sicaba kwanu muna ni Sika se Ni sina.”

Yena ali, “Kana uamuhezi Moya o Kenile nako yo lumela?”

Se nili, “Kihande, Ni mu Baptist.”

<sup>102</sup> Yena ali, “Kono kikuli uamuhezi Moya o Kenile nako yo lumela?”

<sup>103</sup> Mi se Nili, “Kulukile, muzwale, u talusañi?” Se nili, “Ha—Ha nina se munani mina kaufela, Na ziba cwalo!” Se nili, “Kakuli muna ni nto Yeñwi yebonahala kuba ni mata mi kacwalo . . .”

Ali, “Ukile wa ambola ka malimi?”

Mi se Nili, “Batili, muñaka.”

Ali, “Nika ku bulelela nisa sinyi nako ha una Moya o Kenile.”

<sup>104</sup> Mi se Nili, “Kulukile, kambe ne Ni ka . . . Kambe seo kona se sitisa Moya o Kenile, ha Ni na Ona kanti.”

<sup>105</sup> Mi kacwalo ali, “Kulukile, haiba hausika ambola kale mwa malimi, hauna Ona.”

<sup>106</sup> Ka kubuluka ngambolo yani cwalo, Na li, “Kulukile, kikai ko Ni ka Unga?”

<sup>107</sup> Ali, “Kena mwa sibaka sani mi ukale ku kupa Moya o Kenile.”

<sup>108</sup> Mi ne Ni sweli ku mu talima feela cwalo, mwa ziba. Na sazibi sene Ni eza, kono na . . . Ne ni zibile kuli natiloba ni maikuto asili, kakuli na . . . meto a hae nakalile ku benya ana nza nitalima. Mi a . . . Kono yena nali Mukreste wa luli. Yena luli na sepahala, naswanela luli mwa miinelo yetezi, ya Bukreste. Yani

ki niti. Kulukile, se Na hupula, “Kulumbwe Mulimu, ki Se fa! Ni—Ni luke—Ni lukela kuya kwa katala kwani kwa sibaka sesiñwi.”

<sup>109</sup> Se nito zwela fande, kuto talima ka ni kafa, se Ni hupula kuli, “Ni ka fumana muuna yani yomuñwi.” Mi hane Ni mufumani ni ku kala ku bulela ni yena, Na li, “Mu cwañi, muñaka?”

<sup>110</sup> Yena ali, “Ali, wena uwa keleke mañi?” Ali, “Bani bulelezi kuli u wa Baptist.”

Se nili, “Eee.”

Mi yena ali, “Hausika amuhela kale Moya o Kenile, kana unani ona?”

Se nili, “Kulukile, ha Ni zibi.”

Ali, “Kana ukile wa bulela mwa malimi nji?”

Se nili, “Batili, muñaka.”

Ali, “Ha una Ona.”

<sup>111</sup> Mi se Nili, “Kulukile, Na ziba ha Ni na semu nani mina kaufela. Na ziba cwalo.” Mi se Nili, “Kono, muzwale waka, Na Ubata luli kaniti.”

Yena ali, “Kulukile, kuna—kuna ni kasa, ka ka libelezi.”

<sup>112</sup> Se nili, “Ni kolobelizwe. Kono,” Se nili, “Ha—Ha ni sika amuhela semu nani mina kaufela.” Se nili, “Muna ni sika se Ni—Ni bata luli.”

Mi yena sali, “Kihande, ku lukile.”

<sup>113</sup> Ne ni sweli ku mu lemuha, mwa bona. Mi haiba Ne. . . Hane Ni tilo swala moya wahae kwa nalule lule, cwale, yani neli muuna usili, haiba Ni kile naambola ni muipi wateni luli, yani nali yomuñwi wa bona. Na pila. . . Musala hae na nani milili ye minsu, na pila ni musali wa milili ye mifubelu mi nana ni bana baba beli ka yena. Na a nwa, kulwaha, ku kena mwa mipanda, ni zeo kaufela, kono mane mwahali mwani kiyena yana bulela ka malimi ni kupolofita.

<sup>114</sup> Mi se Nili, “Mulena, ni swalele.” Na ya kwa ndu. Ki niti yeo. Se nili, “Ni ka nga feela. . . Ha ni utwisisi se. Ku bonahala kuli Moya o Kenile o fuyozwi uwezi, ni, ku yani muipi.” Se nili, “Ha ku konahali! Ku felile.”

<sup>115</sup> Ka yona nako yetelele ye, ne ni nze ni bala ni kulila, kuhupula kamo ne Ni kazwela pili ni bona mwendi ne Ni ka ziba zene ezahala kamukana. Yo muñwi nali fani, Mukreste wa niti; mi yo muñwi, ali muipi wa luli. Mi se Ni hupula, “Ki zañi zani? Oh,” Se nili, “Mulimu, hakulata—hakulata kuna ni se si fosahalile nina.” Mi se Nili, kakuba ya musepahali, “Sani sika . . . ni lukela kubona sani mwa Bibe. Silukela kuba.”

<sup>116</sup> Ku na, ze ezahala kamukana lilukela kuzwa mwa Bibe mo kusicwalo hali sika luka. Lilukela ku zwelela Mo. Za kona ku nyakisiwa mwa Bibe, isiñi feela siemba silisiñwi, kono silukela kuzwa mwa Bibe kaufela. Ni lukela kusi lumela. Silukela ku zamaelela ni kutamana hamoho ni Liñolo kamukana haisicwalo ha Ni na ku silumela. Mi cwale, kakuli Paulusi naize, “Haiba lingeloi leli zwa kwa Halimu litaha, kuto kutaza evangeli isili, libe leli kutilwe.” Kabakaleo Ni lumela Bibe.

Mi se Nili, “Ne ni sakoni ku bona sesi cwalo mwa Bibe.”

<sup>117</sup> Lilimo zepeli hasamulaho, hane Ni mano tobelwa ki musalaka ni zeñwi kaufela, ne Ni li fa buse kwa Green’s Mill, mwa sibaka se si nyinyani saka kwani, ninze ni lapela. Neni kutezi kwa liñope la licwe laka lani ka mazazi a mabeli kamba ama laalu, neli mazazi a mabeli. Ne ni zwezi fande kuyo fukelwa ki moya, kuhoha moya. Mi hane Ni zwezi fande cwalo, Bibe yaka neilobezi fani kwa mafelelezo a sishingwa musa kena feela. Kota ya kale yene wezi fafasi, neina ni mutai kuyona. Cwale, mwa . . . Ne ina ni mutai oyemi sina *cwana*, mi kota nenze ilobezi fafasi. Mi ne Ni namile feela fa sishingwa sani, ni ku kanamanga fani mwa nako ya busihu, ni talimile mwa halimu sina cwalo, lizoho laka linze linanuhile sina *cwana*, mi linako zeñwi neni kenanga mwa buloko ninze nilobezi fa sishingwa sani ona cwalo, nikulapela. Ne nibanga kwani mwa mazazi nyana, ni saci kamba ku nwa, ne nibanga kwani ni sweli feela kulapela. Mi Na zwela kwande kuyo hoha moya, kuzwa mwa liñope la licwe lani; neku bata, neku kolobile nyana mwahali mwani.

<sup>118</sup> Kacwalo ha se Ni zwela fande fani kone Ni beile BibeLe Ya ka mwa zazi lene lifitile, mi ne i apuhile mwa Maheberu, kauhanyo ya bu 6. Mi ne Ni kalile kubala fani, “Ha lu beyeni kwa tuko...cwalo...luye ku za kupetahala, lusike lwa toma hape mutomo wa kubaka ni wa misebezi ye shwile ni wa tumelo ku Mulimu,” ni zeñwi cwalo. “Kakuli ha ku konahali kuli baani bene ba zibisizwe pili, kuba bo muca sanda sa mpo ya lihalimu, ni lipizo,” ni zeñwi cwalo. Kono yali, “Kono ki miutwa ni liseto ze atumezi ku cisiwa, ze mafelelezo a zona...mezi...pula inelanga fa naha kuli imelise mi ilukise sesi—sani sesili bukaufi ni ku cisiwa, ka miutwa ni liseto, ze mafelelezo a zona ki kuciswa.”

Mi Sesiñwi sa to utwahala kuli, “Whooooosssh!”

<sup>119</sup> Na hupula, “Ki Se fa. Ni ka utwa cwale Sa ka... Na ni zusize fa, U bata kuni fa pono onafa cwale.” Se ni libelela fani fa mafelelezo a sishingwa sani, ni kulibelela. Na to yema nikuya kwa mulaho ni kwa pata, fahalimu ni fafasi. Na to kuta kwa mulaho, hakuna sene siezahalile. Na to kutela mwa liñope la licwe laka hape, nekusina sene si ezahalile. Ne ni yemi fani, Na hupula, “Kulukile, se ki sikamañi?”

<sup>120</sup> Se nitoya kwa BibeLe yaka hape, mi, oh, se Si ni wela fahalimu aka hape. Nato I nanula, mi Na hupula, “Ki sikamañi se sinzi mwahali mwani Sa bata kuli ni bale?” Na zwelapili kubala ni shetumuka cwalo “kubaka ku Mulimu, ni tumelo,” ni zeñwi cwalo, mane Na tobala nifone Ku bulezwi kuli, “Pula inelanga mwa lifasi ku liapesa niku melisa se i lomezwi, kakuli fa, kono miutwa ni liseto lisutelezi katulo ze mafelelezo a zona ki ku cisiwa.” Mi, oh, ne Si nze sini sabisa cwalo!

<sup>121</sup> Mi Na hupula, “Mulena, U ka nifa pono ya se...” Ne ni kambami kwani ku yo Mu buza ka sesiñwi.

<sup>122</sup> Mi onafani feela, fa pila aka, Na tobona lifasi linze lipikuluha, mi ne li sikami cwalo. Mi se ku to bonahala muuna yaapezi zesweu, ni toho yahae inze iyemi, nasweli kucala Lipeu cwalo. Mi hanaile cwalo, inze ataha, anaizo pahama feela lizulu, se ku taha muuna yomñwi mwa mulahao wa hae, aaapezi ze nsu,

inze ainamisize toho ya hae, inze acala lipeu. Mi cwale Lipeu zende hane limelile, neli buloto; mi lipeu ze mwaswe alito mela, neli mufuka.

<sup>123</sup> Mi sekutaha linanga lelituna mwa lifasi, mi buloto ne bu inamisize litoho za bona cwalo, bukaufi feela ni ku shwa, nebubata mezi. Mi se Ni tobona batu kaufela ba nanuzi mazoho abona, banze balapela ku Mulimu kuli alume mezi. Mi Na tobona mufuka, inze winamisize litoho za ona, ku ku bamela mezi. Mi onafani fela kwataha malu amatuna mwa halimu mi pula ya suluha. Cwale haimano nela, buloto bobunyinyani bone bu inami cwalo, “Whish,” se bu yema. Mi ni bucwani bobu nyinyani bone buyemi feela kwa tuko, “Whish,” se bu yema.

Na hupula, “Kulukile, ki sikamañi sani?”

<sup>124</sup> Mi Se sitaha kuna. Ki sani fale. Pula ye swana ye melisa buloto, imelisa ni bucwani cwalo. Mi Moya o Kenile oswana ukona ku wela fa nyangela ya batu, ni ku fuyola muipi ka ku swana feela mo U fuyolela babañwi. Jesu naize, “Ka miselo yabona muka baziba.” Isiñi ka ku huwa, kamba wa nyakalala, kono “ki ka miselo yahae fo mu ka muzibela.”

<sup>125</sup> Se Nili, “Ki fo cwale!” “Ni lemuhile, Mulena.” Se Nili, “Kona kuli yani ki niti.” Muuna yo. . . Wa kona kuba ni limpo kusina kuziba Mulimu.

<sup>126</sup> Kacwalo he Ne—cwale ne Ni sweli kunyazanga za kuambola mwa malimi, mwa bona. Kono zazi leliñwi, hane, mo Mulimu ha natilo nyakisisa sani kuna!

<sup>127</sup> Ne nisweli kukolobeza kwani kwa nuka, basikuluhi baka ba pili, fa Nuka ya Ohio, mi mutu wa bu lishumi ka babasupile hane ni mu kolobeza, hane Ni kala ku mukolobeza, se Ni li, “Ndate, sina ha Ni mukolobeza ka mezi, U mukolobeze ka Moya o Kenile.” Se Ni kala ku—ku mu nwelisa mwa mezi.

<sup>128</sup> Mi ona fani feela kakundukundu kato zwelela mwa lihalimu, mi fa kwataha Liseli lani hamoho cwalo, leli benya. Mianda anda ya batu fa likamba, ka nako ya tu kiloko mwa musihali, ka Mbuwana. Mi Lato lepelela fone Ni yemi. Linzwi la to bulela



kuzwa mwani, mi lali, “Sina Joani Mukolobezi hana lumezwi ku etelela kutaha kwa pili kwa Kreste, wena unani. . .ni Liñusa leli ka etelela Kutaha kwa Bubeli kwa Kreste.” Mi ne lini sabisize mane kubata kushwa.

<sup>129</sup> Mi Na kuta mwa mulaho, ni batu kwani kaufela, ba—ba pangi ba lisipi ni batu kaufela, bapangi ba milyani, ni bani kamukana bane bali fa likamba. Ne nise ni kolobelize baba mianda yemibeli kapa yemilalu musihali wani. Mi hane bani zusize, kuni hoha kuzwa mwa mezi, ma dikoni ni ba bañwi cwalo ba ya, kuto nibuza, bali, “Kanti Liseli lani ne li talusañi?”

<sup>130</sup> Sikwata se situna sa batu baba nsu kuzwa kwa—kwa keleke ya Gilt Edge Baptist ni ba keleke ya Lone Star kwani, ni babañata ba bona nebali kwani, ne ba kalile kuhuwa ha ba bona zene ezahala, batu ba welela.

<sup>131</sup> Musizana yene Ni lika kuzusa mwa mukolo mwani, atinile liapalo za kutapa ni zona, muluti wa Sunday school kwa keleke, mi se Nili, “Kana wakona kutuluka uye fa likamba, Margie?”

Yena ali, “Billy, ha Ni lukeli kuya fa lakamba.”

<sup>132</sup> Se nili, “Yani ki niti, ha ulukeli kueza cwalo, kono Ni kuteka hahulu Evangeli kuli uzwe ko Ni kolobezeza.”

Yena ali, “Ha ni na kuzwa.”

<sup>133</sup> Mi hana inzi fani, inza shenauna ni kusoma hane nisweli ku kolobeza, kakuli nasa lumeli mwa ku kolobezwa, kacwalo Lingeloi la Mulena halito shetumuka ato wa ka pata mwa mukolo. Kacenu musizana yani umwa sibaka sa lipulumuki. Kabakaleo ha mu koni kubapala ni Mulimu. Mwabona? Cwale, hasa muhalo. . .Musizana yo munde, naile kwa kunwa hasa mulaho, mi ba mulenga botela, ya—ya botela ya bucwala, kucancaula sifateho sa hae kaufela. Oh, ki mutu ya bonahala ku sabisa! Mi kwani kwa ezahala ze cwalo.

<sup>134</sup> Mi cwale mwa bupilo kamukana ne Ni kona kubona sani, kusibona sinze si zamaya, kubona lipono zani, kamo lika zani lika ezahala. Mi, hasa mulaho

nyana, Ne lisweli kuni katazanga hahulu, mi mutu ni mutu na ni bulelelenga kuli ne Ni lyangani. Cwale Na ya kwa sibaka saka, kwani kone Ni lapelelenga teñi. Mi ne Ni. . . Ha kuna taba mo ne Ni lapelelenga kuli sani Si sike sataha kuna, ne sinze Si tahanga nihakuli cwalo. Mi kacwalo ne Nili feela. . . Ne nili—ne Ni li muzumi wa mwa Tolopo ya Indiana. Mi Na to kena, nekuna ni muuna yana inzi kwani, muhulwana muzwale ya lizanga piano kwa tabernakele yaka. Mi ali, “Billy, kana u kaya nina kwa Madison musihali wo nji?”

Se nili, “Ha nikoni kueza cwalo, Ni lukela kuya mwa mushitu.”

<sup>135</sup> Mi Ne. . . ninze ni taha kwa ndu kuto tubula lukanda lwaka, lukanda lwa tobolo ni zeñwi, ni nze ni puta mazoho a sapalo. Ne lupila mwa ndu ya tuemba totubeli, mi ne Ni ya kuli niyo tapa kuli ni to ca. Mi ne Ni tapile, ni zamaya feela kwa tuko a ndu, mwatasa a—a kota ya mupolota ye tuna, mi ona fani feela Sesiñwi sa to utwahala, “Whooooosssh!” Ne nili feela bukaufi ni kushwa. Mi Na to talima, mi ne Ni zibile kuli neli Sani hape.

<sup>136</sup> Neni inzi fa mahatelo fani, yena atula mwa mota ya hae kutaha inza matela kuna, ali, “Billy, wa welela nji?”

Se nili, “Batili, sha.”

Yena ali, “Butata ki bufi, Billy?”

<sup>137</sup> Mi se Nili, “Ha ni zibi.” Se nili, “Zwela feela pili, muzwale, ku lukile. Ni itumezi.”

<sup>138</sup> Musalaka ataha ni hemele ya mezi, sa ali, “Mulatiwa, butata ki bufi?”

Se nili, “Hakuna, mulatiwa.”

<sup>139</sup> Kacwalo ali, “Taha he cwale, lico za mulalelo li lukile,” mi ani kambeka lizoho, ku lika kuni kenisa mwa hali.

<sup>140</sup> Se nili, “Mulatiwa, Ni—Ni bata ku ku bulelela sesiñwi.” Se nili, “Biza batu bani uba bulelele kuli ha Nina kuya kwani musihali wo.” Se nili, “Meda, mulatiwa,” Na li, “Na ziba mwa pilu yaka kuli Ni lata Jesu Krete. Na ziba kuli ni silile kuzwa mwa lifu kuya mwa Bupilo. Kono ha Nilati kuli diabulosi abe

ni sa kueza nina.” Mi se Nili, “Hani koni ku zwelapili cwana; Ni mu tamiwa.” Se nili, “Nako kamukana, lika ze ha li ezahalanga cwalo, lika kaufela ze cwalo, ni lipono ze linze litaha, ni zeñwi cwalo. Kamba, zeo lili zona,” Se nili, “za ni eza halelanga.” Ne ni sa zibi kuli ki pono. Ne ni sika ibiza kuli ki pono. Se nili, “Zani ze swana sina lipono,” Se nili, “Hani zibi kuli sani ki sika mañi. Mi, mulatiwa, Ha—Ha—Ha—Ha nilati ku angabazwa ki zona, ba—ba ni bulelelanga kuli ki diabulosi. Mi ni lata Mulena Jesu.”

<sup>141</sup> “Oh,” yena ali, “Billy, ha u lukeli kuteleza ze ba kubulelela batu.”

<sup>142</sup> Se nili, “Kono, mulatiwa, talima fa bakutazi babañwi.” Se nili, “Na—Na hanilati zani.” Se nili, “Niya kwa sibaka saka mwa mushitu. Ni ngile ma dollar a lishumi ka aketalizoho, wena uba balele Billy.” Billy nali mushimani yomunyinyani ka nako yani, wa mwanana nyana. Se nili, “Wena—u nge... Ze ka kulikana ni Billy kuli mufepiwe, fa nako nyana. Ba bulelele kuli Ni kaya—Ni kaya ha kulata nikakuta kamuso, kamba mane mwendi hanina ku kuta. Haiba ha Ni kuti ka mazazi a ketalizoho atatama, mubeye muuna usili mwa sibaka saka.” Mi se Nili, “Meda, Ha nina kuzwa mwa mushitu wani kufitela Mulimu anisepisa kuli U ka zusa nto yani kuna mi isike ya ni ezahalela hape.” Muhupule kutokwa zibo ko mutu akona kuba ni kona!

<sup>143</sup> Mi se Ni ya kwani busihu bwani. Kukutela mwa kandu ka mabala, lisika pazula kale; nekuse ku unsufezi. Ne ni lukela kuya kwa sibaka saka habusa, kwani kwa...kwa hule mwa malundu, kamba lizulu, kanti, ni kuyo kena mwa mushitu mwani. Hani sepi kuli ba F.B.I. nebaka ni fumana kwani. Kacwalo kandu kaka nyinyani ka...ne Ni lapela musihali wani kaufela kusika unsufala kale. Mi neni lapela, ni kubala mwa Bible fo Kuñozwi kuli, “Moya wa bapolofita u belekisananga ni mupolofita.” Neni sa utwisisi sani. Kacwalo nese kubile lififi mwa kandu kani kaka nyinyani.

<sup>144</sup> Kone Ni yalelanga tutamba hane Ni sali mushimani, nenina ni tushuto totuñata kwani, nikuya

kwani kuyo ina busihu kaufela ninze ni shuta. Neli fela kandu kaka likani kane kali kwani, kene kali mwa lilimo nyana. Mwendi mutu yomuñwi napilanga mwateñi ni sika yofita kale teñi.

<sup>145</sup> Mi kacwalo Ne—Ne ninze ni litela kwani. Mi Na hupula, “Kulukile.” Nese li bukaufi ni wani kiloko, tu kiloko, sili kiloko ya kakusasana, ne Ni sweli kuya fahalimu ni fafasi, kuya kwa pata ni kwa mulaho. Neni tilo ina kwani fa kapula cwana, ka kanyinyani . . . isiñi kapula, neli ka tubana kaka likani cwalo kakale. Mi se Ni toina fani, Na hupula, “O Mulimu, ki kabakalañi Ha u eza ze kuna?” Se nili, “Ndate, Wa ziba Na Kulata. Uziba kuli Na Kulata! Mi Ha—Ha—Ha nilati ku tasezwa ki diabulosi. Ha nilati kuli lika zani lino ezahalelanga kuna. Shangwe Mulimu, usike watuhela kuli lika zani lini ezahalele nikamuta.”

<sup>146</sup> Se nili, “Na—Na Ku lata. Ha nilati kuya kwa lihele. Ki tuso mañi hani nze ni kutaza ni kulika, ni ku ikataza luli cwalo, haiba Ni mutu ya fosahalile? Mi ha Ni ikisi ilina feela kwa lihele, ni lyanganisa likiti za ba bañwi.” Kamba, mianda ya babañwi, mwa mazazi ani. Mi se Ni li . . . Ne nina ni bulumiwa bo butuna. Cwale se nili, “Kulukile, Ha—Ha nilati kuli sini ezahalele hape.”

<sup>147</sup> Mi ne Ni tilo ina fa kapula kaka nyinyani ka. Hane Ni nze ni inzi cwalo, oh, mwa mufuta wo cwana, sina feela *cwana*. Mi, ona fani feela, se Ni tobona Liseli leli monyeha mwa sibaka. Ne Ni hupula kuli nekuna ni yana taha ni lumonyi. Mi Na to talima kafa ni kafa, mi Na hupula, “Kulukile . . .” Mi kile Fa, ili mwa pata yaka feela. Ne ku na ni mabala akale fa fasi. Mi Neli yemi fani, ili feela fa pilaka. Neli katofu ka singongolo kane kainzi mwa lilulu, sikwahezo nesi sehilwe kwateñi. Mi—mi ona *fani* nekuna ni—ni Liseli fafasi, mi se Ni hupula, “Kulukile, sikai sani? Kulukile, sani nesisa lukeli kutahanga . . .”

<sup>148</sup> Ne ni talimile kwa ni kwa. Mi ki Lani fa halimu aka, *ona* Liseli leliswana le, ona fani fa halimu aka, linze li lepelela sina *cwalo*. Lipikuluha sina liyekuyeku la mulilo, mubala wa emeroda, linze lituka, “Whoossh, whoossh, whoossh!” sina cwalo,

ona fa halimu a Sona, sina cwalo. Mi Na talima ku Sani. Na hupula, “Kisika mañi Sani?” Cwale, Ne sini sabisize.

<sup>149</sup> Ne niutwile kuli kutaha mutu, [Muzwale Branham ulikanyisa mutu ya zamaya—Mu.] ku zamaya, feela, nali mautu utu. Mi Na tobona lihutu la Muuna ya kena mwa hali. Nekuse ku unsufezi mwa hali mwani, kaufela konji feela fani fone Limonyehela fafasi. Mi Na bona liutu la Muuna ya na kena. Mi A mano kena mwa hali, ka kuzamaya cwalo, Neli Mutu wa... nakona kuezwa buima bobu eza lipaundi ze mianda yemibeli. Na putile mazoho a Hae sina *cwana*. Cwale, ne Ni Muboni mwa Kakundukundu, ne Ni Mu utwa inge a ambola nina, ni ku Mubona mwa mufuta wa Liseli, kono nako yapili ha ne Ni kile na bona sifateho sa Teñi. Sa zamaya kutaha kuna, bukaufi luli.

<sup>150</sup> Kulukile, balikani babasepahala, Ne—Ne ni hupula kuli pilu yaka ya kumuha. Na... Munahanisise feela! Muipeye ili mina foo, Nesika mi utwisa ka nzila ye swana. Kamba mane mwendi mu kwahule luli kufita Na, mukabe mubile ba Krete fa nako yetelele, kono Nesika miutwisa nto ye swana. Kakuli hasamulaho wa kuni potela linako ze mianda anda, za ni fezanga mata Ha tahanga fakaufi. Mane fokuñwi sini ezanga...Ni batanga mane kushwa, kufokolanga luli sihulu feela ha Ni zwanga kwa katala linako zeñata. Haiba Ni ina hahulu nako ye telele, Ni kaba ya sina mata ni hanyinyani. Nibile ni zona fahalimu aka mwahala liholo, ni tokwanga ni kuziba kone Ni kalezi. Mane ha Ni koni ku talusa kaza teñi. Mubale feela mwa Bibe mo, mi I ka talusa kaza Teñi, zeo ili yona. Mañolo a bulela cwalo!

<sup>151</sup> Kacwalo ne Ni inzi fani ninze ni Mu talimile. Ne—Ne ni nanuzi lizoho laka sina *cwalo*. Na nza ni talima cwalo, ka bunde feela. Kono Na nani Linzwi le lituna luli, mi se Ali, “U sike wa saba, Ni lumilwe kuzwa kwa Lubona lwa Mulimu ya Mata.” Mi ha Na bulezi, Linzwi lani, lani neli Linzwi leliswana lene li ambozi ni na hane Ni na ni lilimo zepeli za kupepwa, mane ni kuhula cwalo. Ne ni zibile kuli yani neli Yena. Mi se Ni hupula, “Cwale...”

<sup>152</sup> Mi amu teezeze. Cwale hamu teleze kwa ngambolo. Ni ka ibulela ka swanelo mo Ni konela, kakuziba, linzwi ni linzwi, kakuli ha Ni hupuli hande.

<sup>153</sup> Yena...Se nili...Ne ni Mu talimile sina cwalo. Yena ali, “U sike wa saba,” ka ku iketa feela, ali, “Ni lumilwe kuzwa kwa Lubona lwa Mulimu ya Mata kaufela, ku ku bulelela kuli ku pepwa kwa hao ko kuipitezi...” Sina ha mu ziba seo kupepwa kwaka nekuli kwani. Ona Liseli leliswana lani lene lilepelela hane Ni pepilwe. Mi kacwalo Ali, “Ku pepwa kwa hao kokuipitezi ni bupilo bwa hao bo ba sa utwisisi ki kuli ulukela kuya mwa lifasi loote mi u lapelele bakuli.” Mi ali, “Mi hakuna taba ka ze ba na ni...” Mi U tomile. Mulimu, Yali Muatuli waka, waziba. Kuli, U tomile “kansa.” Ali, “Hakuna... Haiba uka eza kuli batu ba ku lumele, mi u sepahale ha ulapela, hakuna se si ka yema fa pila litapelo za hao, mane neba kansa haikoni.” Mwabona, “Haiba uka eza kuli batu ba ku lumele.”

<sup>154</sup> Mi Ni bona kuli Na si sila saka, Na li Mulika naka. Mi ne Ni sa zibi kamba—kamba ne Ni kashwa kamba sene sika ezahala ha Na taha kuna sina cwalo. Mi se Nili, “Kulukile, Muñaka,” se Nili, “Kina...” Ki sikamañi sene Ni ziba kaza lifoliso ni lika ze cwalo, limpo zani? Se nili, “Kulukile, Muñaka, Ni a... Ni—Ni mutu ya shebile.” Mi se Nili, “Ni inzi mwahala sicaba saka. Ni—Ni pila ni sicaba sa batu baba shebile. Ha ni sika kena sikolo.” Mi se Nili, “Mi Na—Na—Na hanina kukona, ha bana—ha bana kuni utwisisa.” Se nili, “Ha—ha bakoni—habakoni kuni utwa.”

<sup>155</sup> Mi Yena ali, “Sina mupolofita Mushe hana filwe limpo ze peli, liponiso,” nili, “kwa ku nyakisisa bulumiwa bwa hae, kacwalo ni wena nofilwe ze peli—ni wena ufilwe limpo ze peli za ku nyakisisa bulumiwa bwa hao.” Ali, “Iliñwi ya zona ikaba yakuli uka swala mutu yo lapelela ka lizoho, ka lizoho la hao la nzohoto ku la hae la bulyo,” mi ali, “mi u yeme unze u kuzize, mi ikaba...ku kaba se sika ezahala ka butu fa mubili wa hao.” Mi ali, “Fohe uka lapela. Mi haiba saa ya, butuku bukabe bu zwile ku mutu. Haiba hasi u twahali, kupa feela mbuyoti mi uikele.”

“Kulukile,” Se nili, “Muñaka, ha Ni zibi kamba baka ni amuhela.”

<sup>156</sup> Yena ali, “Mi sa bubeli ikaba, haiba ba sa utwi seo, kona kuli ba ka u twa se.” Ali, “Fohe kukaba kuli uka ziba li kunutu za lipilu za bona luli.” Ali, “Se ba ka si utwa.”

<sup>157</sup> “Kulukile,” Se nili, “Muñaka, ki kabakaleo Ni tile mo busihu bo. Ni bulelezwí ki baituti baka kuli lika zani zene tahanga kuna neli ze fo sahalile.”

<sup>158</sup> Yena ali, “No pepezwi mwa lifasi le kabakala musebezi wo.” (Mwabona, “limpo ni lipizo ha litokwi ku libakela.”) Kiha li, “No pepilwe mwa lifasi le kwa mulelo wo.”

<sup>159</sup> Mi se Nili, “Kulukile, Muñaka,” Na li, “kuli, muituti waka uni bulelezi kaza teñi, kuli wani neli—neli moya o maswe.” Mi se Nili, “Bona . . . Ki ka bakaleo Ni teni mo kwa kulapela.”

<sup>160</sup> Mi kise sa Na ni bulelezi. Na swanysize kuna kaza kutaha kwa Mulena Jesu, ka nako ya Hae ya pili. Mi se Nili . . .

<sup>161</sup> Taba ye komokisa neli, balikani . . . Kulukile, Ni ka yema ona fa ka muzuzu nyana, ni kutele kwa mulaho. Sene si ni sabisize maswe hakalo, nako ni nako hane ni kopananga ni balauli, neba kona kuziba kuli sesiñwi nesi ezahalile. Mi sani nesi kaba feela . . . ne sibata kuni bulaya.

<sup>162</sup> Ka mutala, zazi leliñwi mwana bo malume ni Na neluya kwa—kwa sibaka sa li bapalelo la, mi ne luli fela micaha, lunze lu itamaela. Kacwalo ne kuna ni mulauli alimuñwi yana inzi kwande kwani mwa tende yeñwi, musizana, musizana ya bonahala hande, na inzi fani. Mi ne lusweli kuya, kakufita fela. Sa li, “Kuli, wena, taha kwanu fa muzuzu!” Mi lu ba balalu cwalo lwa sikuliha. Mi cwale ali, “Wena ya tinile sweta ya mibalabala.” Yani neli na.

<sup>163</sup> Mi se Nili, “Eeni, ima?” Ne ni hupula kuli ubata kuli niyo mu lekela Coke, kamba sesiñwi se sicwalo. Mi nali—nali musizana fela, mwendi ka lilimo ze

mashumi amabeli za kupepwa, kamba sesiñwi, inza inzi fani. Mi se Ni ya kwateni, Na li, “Eeni, ima, Ni ka mi ezeza sikamañi?”

<sup>164</sup> Mi yena ali, “Kuli, kana waziba kuli kuna ni—ni Liseli leli ku latelelanga? No pepezwi mwa tasa poniso yeñwi.”

Se nili, “U talusa ñi?”

<sup>165</sup> Yena ali, “Kulukile, no pepezwi mwatasa sisupo se siñwi. Kuna ni Liseli leli ku latelelanga. No pepezwi pizo ya Bumulimu.”

Se nili, “Zwa faa, musali tuwe!”

<sup>166</sup> Se ni kala kuzwelapili, kakuli boma neba ni bulelelanga kamita kuli lika zani ki za diabulosi. Neba bulela niti. Kacwalo Na . . . Na sabiswa maswe.

<sup>167</sup> Mi ka zazi leliñwi hane Ni li muzumi, ne Ni ya ni kambama ni mbasi. Mi se Ni to kwela mbasi. Ne ni bona kuli hañata neni lemuhanga mioya. Ne ni yemi fani, mi musulusi yo na yemi kwa mulaho waka. Mi ne Ni ya kwa kuzama zamaya, ne Ni ya kwa Mushitu wa Henryville, ne ni kwezi mbasi. Ne ni sweli ku utwa lika zeñwi ze nisazibi. Na talima kafa ni kafa kwani, mi nekuna ni—ni musali muhulu yomukima luli yana inzi fani, a kabile hande. Sa li, “U zuha cwañi?”

A toli, “U zuha cwañi!”

<sup>168</sup> Ne ni hupuzi kuli neli musali fela, mwa ziba, ya bulela, kacwalo Na kuza fela . . . Yena ali, “Ni bata ku bulela ni wena fa muzuzu.”

Se nili, “Eeni, ima?” Na si kuluha.

Yena ali, “Kana waziba kuli no pepilwe mwa tasa sisupo?”

<sup>169</sup> Na hupula, “Yo muñwi wa basali ba lisheha.” Kacwalo se Ni talima feela fa nde. Mi kacwalo ne Ni sika bulela se sikana, ne ni sweli fela ku . . .

<sup>170</sup> Yena ali, “Kana niku a mbote fa muzuzu feela?” Ne ni kuzize feela . . . Sa ali, “U sike wa ikeza cwalo.”

<sup>171</sup> Neni zwelapili fela kutalima kwa pata. Neni hupuzi kuli, “Bwani ha kona bucaha.”

Sa ali, “Ni bata kubulela ni wena fa nako nyana feela.”



<sup>172</sup> Ne ni zwezipili kotalima kwa pata cwalo, mane Ni sa isezi pilu ku yena. Hona fani Na hupula, “Na sepa Ni ka bona haiba uka bulela sina babañwi kaufela.” Se ni sikuluha, Na hupula, “Oh, mwai! Sani nesi ni ziyeza, Na ziba.” Kakuli, ne Ni toile ku nahananga lika zani. Se ni sikuluha.

<sup>173</sup> Yena ali, “Mwendi Ni taluse ili na hande.” Sa ali, “Ni munituti wa linaleli.”

Se nili, “Ne ni hupula kuli ha kulata uyo muñwi ya cwalo.”

<sup>174</sup> Sa ali, “Ni mwa musipili wa kuya kwa Chicago kuyo bona mwanaka wa mushimani yali mukutazi wa Baptist.”

Se nili, “Eeni, ima.”

<sup>175</sup> Yena ali, “Kuna ni yakile aku bulelela kuli ne u pepilwe mwa tasa sisupo?”

<sup>176</sup> Se nili, “Batili, ima.” Ne ni mupumile fani, mwabona, mi se Nili... neni bata feela kubona sana ka bulela. Mi yena ali... Na li, “Batili, ima.”

Mi yena ali, “Ha kuna... Kana ba kutazi bakile ba ku bulelela ka zateñi?”

Se nili, “Ha nina sa kueza ni bakutazi.”

Mi yena ali, “Uh-huh.”

Mi se Nili... yena—ali ku na... Se nili, “Kulukile...”

<sup>177</sup> Yena ali, “Haiba Ni ku bulelela ona cwalo nako yo pepwa, ki kuli uka ni lumela?”

Se nili, “Batili, ima.”

Mi yena sali, “Kulukile, Na kona kuku bulelela hano pepilwe.”

Se nili, “Ha ni lumeli cwalo.”

<sup>178</sup> Mi yena ali, “No pepilwe ka kweli ya Lungu la bu 6, 1909, ka faifi kiloko ili ka kusasana.”

<sup>179</sup> Se nili, “Yeo ki niti.” Se nili, “U ziba cwañi zeo?” Se nili, “Bulelela musulusi yo fa nako yana pepilwe.”

Ali, “Hani koni.”

Mi se Nili, “Kiñi? U ziba cwañi?”

<sup>180</sup> Ali, “Talima, muñaka.” Yena ali, hana kalile kubulela kaza buituti bwa linaleli bo cwale, mi ali, “Lilimo zeñata ñata kaufela...” Ali, “Wa hupula hane kutile naleli ya kakusasana, yene etelezi baana baba butali ku Jesu Krete?”

<sup>181</sup> Mi ne Ni kuzize cwalo, mwa ziba, Se nili, “Kihande, hakuna se Ni ziba kaza bulapeli.”

<sup>182</sup> Mi yena ali, “Kulukile, u utwile ka za baana baba butali bene batilo bona Jesu.”

Se nili, “Eeni.”

Mi yena ali, “Kulukile, muuna ya butali neli sikamañi?”

“Oh,” Se nili, “nebali feela baana baba butali, kona ze Ni ziba.”

<sup>183</sup> Yena ali, “Kulukile, muuna ya butali kisikamañi?” Sa li, “Kinto yeswana yeo Ni li yona, muituti wa linaleli, ‘mubuhi wa linaleli’ kona moba babizeza.” Mi yena ali, “Wa ziba, Mulimu asika eza kale sika kaufela mwa—mwa lifasi, U si zibahalisinga kamita mwa lihalimu, mi kutuha fo ni mwa lifasi.”

Mi se Nili, “Ha ni zibi.”

<sup>184</sup> Mi yena ali, “Kulukile...” Na bulezi zepeli kapa zetalu, zepeli... linaleli zetalu, sina Mars, Jupiter, ni Venus. Nesi zona, kono naize, “Neba zamaile mwa linzila za bona ni kutaha hamoho kutoeza...” Ali, “Neku na ni baana baba butali babalalu bene batilo kopana ni Mulena Jesu, mi alimuñwi nazwa kwa lusika lwa Kama, yomuñwi kiwa Sema, mi yomuñwi neli wa Jafeta.” Mi ali, “Ha neba izo kopana hamoho kwa Betelehema, linaleli zetalu zani zene zwa kwa... Mutu ni mutu fa lifasi,” ali, “bana ni sa kueza fa linaleli.” Ali, “A kubuze musulusi yo fani kweli haiile kwa lififi ni linaleli za mwa lihalimu halitima, moya haufuki hamoho cwalo.”

Se nili, “Ha nilukeli ku mubuza cwalo, Na ziba zani.”

<sup>185</sup> Mi yena ali, “Kihande, kupepwa kwa hao kunani za kueza kaza linalelli za mwa halimu.”

Mi se Nili, “Kulukile, zeo ha Ni zibi.”

<sup>186</sup> Mi sa li, “Cwale, baana baba butali baba lalu ba nebatile.” Mi ali, “Fani linaleli zetalu zani, haneli...Bataha kuzwa kwa maneku ashutana mi bayo kopanela kwa Betelehemema. Mi bali neba ba tisisize niku buzisisa, mi yomuñi nazwa kwa lusika lwa Kama, Sema, ni Jafeta, bana baba shimani ba balalu ba Nuwe.” Mi yena ali, “Mi bataha bato kubamela Mulena Jesu Krete.” Mi ali, “Hane base bazwile,” ali, “batisa limpo zabona nikuto libeya ku Yena.”

<sup>187</sup> Mi ali, “Jesu Krete nabulezi mwa bulumiwa bwa Hae kuli Evangeli ye haise i kutalizwe mwa lifasi kamukana (Kama, Sema, ni sicaba sa Jafeta), mi U naka taha hape.” Yena ali, “Cwale, likalulo zebupilwe zani, likalulo za lihalimu zani, halinze lizamaya ka ku tinguluka...” Ali, “Ne likauhani. Ha lisikabe liba mwa lifasi haisali, kuzibwa. Kono” ali “ka lilimo ze mianda ye miñata, li tulanga likwenda za zona sina *cwana*.” Haiba kuna ni muituti wa linaleli mo, ne muka ziba sana ambola ka sona. Ha ni zibi. Kacwalo hana bulela-...Ali, “Lisilanga sina *cwana*.” Mi ali, “Ka ku ikupuza Mpo ye tuna tuna yekile ya fiwa kwa batu, Mulimu hana file Mwana Hae. Linaleli ze hali silananga zona ziñi hape, kikabakalañi,” ali, “U lumile mpo yeñwi ye tuna mwa lifasi.” Mi ali, “No pepilwe ka nako ya kusila kwa linaleli zani.” Sa ali, “Kona libaka ha Ni zibile zani.”

<sup>188</sup> Kihande, mi se Nili, “Kezeli, taba ya pili, ha Ni lumeli sesikana kaza teni. Hani wa bulapeli, mi ha Ni salata kuli utwa ni hanyinyani!” Na ikela. Mi kacwalo se Ni to mupumela ka pili. Mi Na zwela fa nde.

<sup>189</sup> Mi nako ni nako fo...Na ba ka tananga, kona moku belanga. Mi se Ni hupula, “Ki kabakalañi bo diabulosi bani haba zanga cwalo?”

<sup>190</sup> Cwale ba kutazi, bali, “Yani ki diabulosi! Ya ni ki diabulosi!” Neba ni hapelelezanga kuli ni lumele.

<sup>191</sup> Mi cwale busihu bwani kwale ha ne Ni...ha Na swani sisize ku sani, ne Ni Mubuzize, Na li, “Kulukile, kikabakalañi linzila zani ni zeñwi ze cwalo, ni batu

bani baba taselizwe ki diabulosi, bani baba ni bu lelelanga kaza Teni; ni baituti kuli, bana bahesu, ba ni bulelelanga kuli kisa moya o maswe?”

<sup>192</sup> Cwale hamuteleze kuza Na bulezi, Yo Yasweli ku lepelela fani mwa siswaniso. Na ize, “Mi mone ku inezi kwani, kona mo kuinezi ni cwale.” Mi Sa kala ku ni taluseza, kuli, “Bulumiwa bwa Mulena luna Jesu Krete ha buka kala ku ezahala, ba kutazi baize, ‘Na ali belzebube, yena diabulosi’; kono madimona na ize, ‘Na ali Mwana Mulimu, yena Ya Kenile wa Isilaele.’ Diabulusi. . . Mi cwale mutalime ku Paulusi ni Barnabasi hane bali fa halimu fani banze ba kutaza. Bakutazi neba ize, ‘Baana ba ba fetula lifasi kafulatondo. Ki ba bamaswe, ki ba—ki ba diabulosi.’ Mi mulauli yo munyinyani wa mucembele inzali mwa mukwakwa, natilo lemuha kuli Paulusi ni Barnabasi neli baana ba Mulimu, ali, ‘Ki baana ba Mulimu baba lu bulelela nzila ya Bupilo.’” Ki niti yeo nji? “Batu ba muba ni balauli, batu ba ba taselizwe ki madimona.”

<sup>193</sup> Kono lu banga baba lyangani maswe kaza lituto kufitela mane lu palelwa kuziba sesi amana kaza Moya. Na sepa muka ni lata hasamulaho wa se. Kono sani kona seo sili sona. Ni talusa Pentekota, niyona! Yani ki niti. Kuhuwa feela ni kubina bina ha litalusi kuli mwa ziba ka za Moya.

<sup>194</sup> Ki kaku kopana kwa butu, pata ni pata, kona se mutokwa. Wani kona mufuta wa Keleke yeo Mulimu abata ku zusa, yani ki niti, haba kopana hamoho mwa buñwi ni mata, mwa Moya.

<sup>195</sup> Mi Na swanisisize ku sani. Mi A ni bulelela kamo bulumiwa nebu paelwa ku utwisisa ka Zateni, ni kuni sepisa kuli bulumiwa bupalezwi ku I utwisisa. Mi Ha na ni bulelezi kaze ni mo Jesu. . .

<sup>196</sup> Se nili, “Kuhande, ku cwañi ka seo, lika ze zene ezahalile kuna?”

<sup>197</sup> Mi, mwa bona, Na ize, “Sani sika ekezeha ni kuba sesituna tuna.” Mi A ni taluseza, kuni bulelela mo Jesu na ezelize; kuli mane ni Ka mwa Na talezi Mata ana kona kuziba lika ni ku bulelela musali fa

lisima, nasaipuleli kuli neli mufolisi, nihaiba kui papatela kuezwa lika zani sina feela mo Ndate na Mu boniseza.

Se nili, “Kulukile, wani ukaba moya wa mufuta mañi?”

Yena ali, “Neli Moya o Kenile.”

<sup>198</sup> Mi sesiñwi fani sato ezahala mwahali kuna, se Ni to hupula kuli sika sene ni fulalezi mukokoto waka kona seo Mulimu nani bizelize. Mi ne Ni lemuhile kuli neli feela sina Bafalisi bani mwa mazazi a kale, neba ni tolokezi Mañolo ka mukwa usili. Kacwalo kuzwa fani kuisa kwapili Na toikungela toloko yaka ya Teñi, seo Moya o Kenile no bulela.

Se ni Mu bulelela, “Ne ni kaya.”

Yena ali, “Ni kaba ni wena.”

<sup>199</sup> Mi Lingeloi la to hata mwa Liseli hape lene li kalile kupikuluha ni kupikuluha, ni kupikuluha kupikuluha, ni kupotoloha mautu a Hae ona cwalo, ku tozwa mwa Liseli ni kuzwa mwa muyaho.

Ne niile kwa ndu nili mutu yo munca.

<sup>200</sup> Se nitoya kwa keleke kuyo bulelela batu kaza teñi. Lani . . . neli kala Sunda busihu.

<sup>201</sup> Mi kala Bulalu busihu ba to tisa musali kwani, alimuñwi wa manesi ba Mayo ya na kula kansa, kusina sesi kana kwanda muluti. Hane Ni ile kuli niyo muswala, seku taha pono pili, kuto bonisa mukokoto wa hae wono kula hape. Mi uinzi fa mukoloko wa mabizo amwa Louisville, “sa shwile mwa lilimo.” Kiyani uinzi kwa Jeffersonville cwale, kukula, ubile akula fa lilimo. Kakuli, Neni talimile kwani, mi ne Ni boni pono yani. Seni sikuluha, nisa zibi sene Ni eza, ninze niyemi kwani, Na njanja hane ba tisize taba yani pili nikuto ibeya kwani. Mi cwale manesi ni bene bayemi bukaufi ni yena, mi yena nalobezi cwalo fani, ni sifateho sa hae sali kuota ni meeto a hae ali kunwela mwa hali.

<sup>202</sup> Margie Morgan. Haiba mu bata ku ni ñolela, ki 411 Knobloch Avenue, Jeffersonville, Indiana. Kamba mu ñolele kwa Clark County Hospital, Jeffersonville, Indiana. Yena uka mifa bu—bu paki.

<sup>203</sup> Ne ni ta limile fafasi fani. Mi taba ya pili yani fani, kubona yana taha, se ku taha pono. Ne ni boni musali yani inza kula hape, inza zamaya zamaya, ka ku iketa ni ka kutiya mwa mubili. Se nili, “KISONA SA BULELA MULENA, ‘U ka pila mi ha una kuswha!’”

<sup>204</sup> Muuna hae, muuna yomutuna mwa lika za mwa lifasi le, sani talima sina *cwana*. Se nili, “Muñaka, u sike wa saba! Musala hao u ka pila.”

<sup>205</sup> Sa ni bizeza kwande, ali...abiza ba alafi ba babeli kapa ba balalu, ali, “Wa ba ziba?”

Se nili, “Eeni.”

<sup>206</sup> “Kikabakalañi,” ali, “Ni ba palile papali ya golf ni yena. Yena ali, ‘Kansa nei kakatezi kwa mala a hae, mane ha mu koni neba ku mu tapisa ka kulifelisa ka mukwa kaufela.’”

<sup>207</sup> Se nili, “Ha nina taba ka za nani! Sesiñwi siteni kwanu, Ni boni pono! Mi Muuna yani ya ni bu lelezi, uize, kaufela sene Ni boni, ku sibulela ne si kaba ona cwalo. Mi na Ni bulelezi kacwalo se Ni lumela.”

<sup>208</sup> Kulumbwe Mulimu! Mazazi nyana kuzwa fani nasweli ku tapisa libyana za hae, inza zamaya. U eza buima bwa li paundi ze mwanda ka ze mashumi a silezi ka iliñwi cwale, ka buiketo luli bobunde.

<sup>209</sup> Kacwalo ha ne Ni a muhezi, mi se ku ezahala. Mi Robert Daugherty ani biza. Mi kona mone ku to ezahalela, kuya ku zwelela mwa Texas, kuya mwa mafasi.

<sup>210</sup> Mi busihu bobuñwi, ka li nako zene kamba li ketalizoho kwani...Ne nisa utwisisi ka za kuambola mwa malimi ni zeñwi cwalo. Ne ni lumela mwa kolobezo ya Moya o Kenile, neni lumela kuli batu nebaka bulela ka malimi. Mi busihu bobuñwi ha ne Ni zamaya mwa hala a...mwa cathedral, kwa San Antonio, Texas, ka ku zamaya kwani cwalo, mutangana nyana yanali kwani akala ku bulela mwa malimi sina katobolo ka kasweli kulila, kamba tobolo ye tuna, ka ku akufisa. Kwa mulaho, kwa mulaho kwani, yomuñwi a yema ni kubulela kuli, “KISONA

SA BULELA MULENA! Muuna ya na ya kwa pata uya kwapili ka bulumiwa bone bu ketilwe ki Mulimu ya Mata. Mi sina Joani mu kolobezi ha na lumilwe kuba mutwaleti wa ku taha kwa Jesu Kreste, ka mukwa o swana u lukisize Liñusa leli ka biza Kutaha kwa Bubeli kwa Mulena Jesu Kreste.”

<sup>211</sup> Ne nibata ku kakatela mwa makatulo aka. Se Ni to inuka, Ni ku toli, “Kana wa muziba muuna yani?”

Sa ali, “Batili, sha.”

Se nili, “Kana wa mu ziba?”

Yena ali, “Batili, sha.”

Se nili, “Kana wa ni ziba?”

Yena sali, “Batili, sha.”

Se nili, “U eza sikamañi kwanu?”

<sup>212</sup> Sa ali, “Ne ni balile mwa mutende.” Mi kaniti. . . Bwani neli busihu bwa pili mwa mukopano.

Se ni talima kwani mi Nali, “U tile cwani kwanu?”

<sup>213</sup> Ali, “Babañwi mwahala batu baka ba ni bulelezi kuli no na ni kuba mo, ‘mufolisi wa Bumulimu,’ mi se Ni taha.”

Se nili, “Kana mina kamukana ha muzibani nji?”

Yena ali, “Batili.”

<sup>214</sup> Oh, mwai! Kwani kona kone Ni boni ona mata luli a Moya o Kenile. . . Koo nako yeñwi sapili ne Ni hupula kuli ki mafosisa, mi ne Ni ziba kuli Ni. . . Lona Lingeloi leliswana le la Mulimu neli ambola ni batu bene bana ni lika zani. Niha ne ba nani lilata ni ku yabana yabana mwahala bona, kono mwahali mwani ne kuna ni sibyana sa luli. [Hakuna manzwi fa tepu—Mu.] . . . Kreste. Mi ne Ni boni kuli neli—neli niti.

<sup>215</sup> Oh, lilimo limano fita, mi mwa mukopano batu neba bona, lipono ni zeñwi cwalo.

<sup>216</sup> Nako yeñwi munapuli na I napuzi mwa siswaniso ha ne Ni ye mi kwa Arkansas, Na lumela neli kwani, mwa mukopano sina wo, ndu ye likana sina ye. Mi ne Ni yemi, ku lika ku Li talusa. Batu ne baziba,

neba kona kuina ni ku teleza, ba Methodist, Baptist, Presbyterian, ni babañwi cwalo. Mi cwale se Ni to talima, kukena mwa munyako, ne Si nze sitaha cwalo, kuya, “Whoossh, whoossh!”

217 Se nili, “Ha nina ku bulela ni hanyinyani, kakuli fa ne Si nze sitaha cwale.” Mi se Si nanuhela mwa halimu, mi batu bakala ku huwaka. Kutaha fone Ni yemi ni kuto lula fafasi.

218 Ha ne sinze Si tuluka cwalo, mukutazi a yema mi abulela, “Kuli, Ni siboni ki Sani!” Mi Sato mu fata ka ku mu fufaza ka—ka mone ku bezi kaufela, a tantalikela kwa mulaho. Mwakona kutalima fa siswaniso sa hae fa mwa buka mi musu bone hana sweli ku tantalika ni toho ya hae yali ku ikinamela fafasi cwalo. Mwa kona kubona siswaniso sa hae.

219 Mi fani Sa yo lula fafasi. Mubihi wa makande na Si pikicize ka nako yani. Kono Mulena na sika itukisa.

220 Mi busihu bobuñwi kwa Houston, Texas, fani, oh, likiti ni likiti za batu... Ne luna ni baba eza mianda ye keta lizoho kayemi lalu... likiti ze ketalizoho ka ze talu zeo mu mubiza, neli mwa muyaho wa lipina, seni kutela kwa Sam Houston Coliseum.

221 Mi kwani mwa kangisano yani busihu bwani, mukutazi wa Baptist hana ize kuli Ne “nisi sesiñwi kono nenili fela muipi ni mulikanyisi, mu likanyisi wa bulapeli, mi neni lukela ku lelekiwa mwa munzi” mi na bonahala kuli ki yena yana ka eza cwalo.

222 Muzwale Bosworth ali, “Muzwale Branham, kana neuka tuhelela taba ye cwalo ku ezahala? Ku nanula lizoho la hae!”

223 Se nili, “Batili, muñaka, Na hani lumeli mwa likañi. Evangeli ha i sika pangelwa ku ka nana, I pangezwi ku pila.” Mi se Nili, “Ha kuna taba kuli u mu bulelela ze kuma kai, yena uka ikela feela ka nzila ye swana.” Se nili, “Yena... nasike akona ku bona shutano ni ye kana. Haiba Mulimu ha buleli ni pilu ya hae, Na nika kona cwañi?”



<sup>224</sup> Ka zazi le litatama, neku utwahalile kuli, “Si bonisa seba pangilwe ku sona,” ba Houston Chronicle. Ili, “Si bonisa seo bapangilwe ku sona, ba saba ku yemela ze ba kutaza.”

<sup>225</sup> Muuna muhulu Muzwale Bosworth sa taha kuna, ka nako yani naeza lilimo ze mashumi a ketalizoho ka zepeli, muzwale yomunde ya lateha, ani kambeka lizoho la hae, ali, “Muzwale Branham,” sa ali, “utalusa kuli ha una ku yemela sani?”

<sup>226</sup> Se nili, “Kutokwa, Muzwale Bosworth. Batili, sha. Ha ni na ku si yemela.” Se nili, “Ha sina bunde ni bobu kana.” Se nili, “Ku zuhanga feela likañi ha lu zwile kwa katale.” Se nili, “Ni zamaisa mukopano cwale, mi ha Ni lati ku lianganisa lika kamukwa ocwalo.” Se nili, “Mu mu tuhele fela azwele pili.” Se nili, “Ku petahalile, utaza feela lilata.” Se nili, “Lubile ni bona ni sapili, mi hakuna bunde bo buliteni ni ha mu ba bulelela.” Se nili, “Ba ka zwela pili cwalo, banze ba iku bukanya.” Se nili, “Haiba ba kile ba amuhela zibo ya Niti mi batokwe ku I lemuha, Bibe le ili seba silile museto wa kauhano mi ha ba sana ku swalelwa mwa lifasi le kamba lifasi leli taha. Baibiza kuli Ki ‘ki diabulosi’ mi ha ba koni ku puluka. Ba taselizwe ki moya wa bulapeli woli diabulosi.”

<sup>227</sup> Ki ba bakai ba ba ziba kuli yani ki niti, kuli moya wa diabulosi ki wa bulapeli? Eeni, sha, ka kuba feela bocaziba mo bakonela. Mi kacwalo, he, sani nesisika utwahala hande hane Ni ize “bocaziba,” kono yani ki niti. “Kuba ni mufuta feela wa bu mulimu kono bahana Mata ateni tota.” Yani ki niti. Liponiso ni limakazo kona ze paka Mulimu, kamita. Mi Na ize ku kaba cwalo ni mwa mazazi a maungulo taba ye swana. Cwale mulemuhe!

<sup>228</sup> Muuna muhulu Muzwale Bosworth, Na . . . na bata kutaha nina, kono na katezi fela. Kona nasa zo zwa kwa Japan. Na lukela ku ba kwanu. U ka ba ni na kwa Lubbock. Mi kacwalo nali . . . na sweli ku i kutwa, silami nyana, kacwalo u palezwi ku taha kwanu, yena ni musala hae. Mi kacwalo u . . .

<sup>229</sup> Kamukana ne ba hupula kuli na bonahala sina Kalebu. Na yemi fani, na ize, “Kulukile, Muzwale

Branham,” ona mu bonahalelo o munde wani, mwa ziba, na ize, “mu ni tuhele ni yo beleka,” mi ali, “haiba ha u lati.”

<sup>230</sup> Se nili, “O Muzwale Bosworth, Ha—Ha ni lati kuli u eze cwalo. Mu kasana mwa yo ka nana.”

Abulela kuli, “Ha kuna ku ba linzwi ni le likana la ku kanana ka lona.”

<sup>231</sup> Cwale, Ni si ka kwala kale pili, ha mu teeze kuse. Na tiloya kwani. Se nili, “Haiba ha muna ku kanana, ku lukile.”

Ali, “Ni sepisa ku sa yo kanana.”

<sup>232</sup> Bukaufi ni likiti ze mashumi a malalu za batu neba kopani mwa muyaho wani busihu bwani. Muzwale Wood, ya inzi faa, naliteñi ka nako yani, mi na inzi mwa muyaho wani. Mi Na . . .

<sup>233</sup> Mushimani waka ali, kamba . . . Musala ka ali, “Haui kwa mukopano wani nji?”

<sup>234</sup> Se nili, “Batili. Ha ni koni kuya kwani kuyo teleza ha ba sweli ku kanana. Batili, sha. Ha ni na kuya kwani kuyo teleza zani.”

Nako ya busihu hane i fitile, Sesiñwi satoli, “Za maya kwateni kwani.”

<sup>235</sup> Ne ni ilo kwela taxicab, mu nyanaka, musalaka ni bana baka, ne lu yelezi hamoho. Mi ne Ni fitile fa sibaka sa butelele bwa mashumi amalalu a muyaho, ku kambama cwalo, ni ku yo ina.

<sup>236</sup> Muuna muhulu Muzwale Bosworth naile kwani sina fela munituti wa kale, mwa ziba. Na ñozi zeñwi za . . . Na na ni lisepiso ze eza mianda ye silezi ya mwa Biblele za na ñozi. Sa ali, “Cwale, Doctor Best, haiba u kona ku taha kwanu ni ku i kungela i liñwi ya lisepiso ze ni ku litaluhanya ka Biblele. Lisepiso ze kamukana li mwa Biblele, ku amana ni Jesu Krete ha folisa bakuli mwa mazazi a. Haiba u kona kunga i liñwi ya lisepiso ze, ka Biblele, u li kanane ka Biblele, Ni ka ina fafasi, ni ku kuswale mwa lizoho, nili, ‘u kondisize.’”

<sup>237</sup> Yena ali, “Ni ka libona zeo ha Ni ka yo fita fani!” Na bata za mafelelezo kuli a swabise Muzwale Bosworth, mwabona.

<sup>238</sup> Kacwalo Muzwale Bosworth ali, “Kulukile, Muzwale Best, Ni ka ku buza iliñwi, mi haiba u ka ni alaba ‘eeh’ kamba ‘awa,’” ali, “lu ka feza likañi ona fa cwale.”

Mi ali—ali, “Ni ka li bona zani kaufela!”

Na buzize ba ongaongi haiba na ka mubuza. Ali, “Eeni.”

<sup>239</sup> Yena ali, “Muzwale Best, kana mabizo a ku liululwa a Jehova a zamaelela ni Jesu? ‘Eeh’ kapa ‘awa’?”

<sup>240</sup> Ani neli maungulo. Fani kona fone lifelezi. Na mi bulelela, ne Ni ikutwa feela sika se si zamaya mwahali kuna. Ne ni sika hupula ze cwalo, i lina, mwabona. Mi Nahupula, “Oh, mwai, ha koni ku alaba! Wani kona mungundo.”

Yena ali, “Kulukile, Doctor Best, Ni—Ni komokile.”

Ki hali, “Ni ka libona zani!”

<sup>241</sup> Sali, “Ni komokile kuli kuli ha u koni ku alaba puzo yaka ye nyinyani kakufitisisa.” Na li ya bata fela sina lihapwa, mi na ziba fa na yemi. Kacwalo sa ina feela ni lona Liñolo lani.

Ali, “Libelela fa mizuzu ye mashumi amalalu, Ni ka alaba ha samulaho wa foo!”

<sup>242</sup> Mi muuna muhulu Muzwale Bosworth nayemi fani ni kunga Liñolo lani ni ku tama muuna yani mwa sibaka sesi cwalo konji mane sifateho sa hae hasi fubela mane ne muka kona kucakula menkisi fa pata, yahae.

<sup>243</sup> Sa yema kuzwa fani, ka mabifi, ni ku yumbela mapepa fa fasi, sa ya kwani ni ku yo kutaza sebelezo yende ya Campbellite. Ne nili mu Baptist, Na ziba ze ba lumela. Na si kabe...Na kutaza ka za zuho, “‘siemba se si shwa se ha sika apala se si sashwi,’ fohe lu kaba ni foliso ya Bumulimu.” Oh, mwai! Lu tokwelañi foliso ya Bumulimu ha samulaho ha lusike ku shwa (“mi cwale mubili o shwa o ha uka apala sesi sashwi,” zuho ya bafu)? Mane na kakanyize ni

heba makazo yana ezize Jesu ku Lazaro, ali, “Yena na shwile hape, mi yani neli fela taba ya swalelele.” Mwabona?

<sup>244</sup> Mi hana felize sina cwalo, sa li, “Amu ni tiseze mufolisi yani wa Bumulimu mi ni mubone a beleka!”

<sup>245</sup> Ne ba nani kañi nyana kwani. Muzwale Bosworth ali, “Ni ku komokile wena, Muzwale Best, ha u sika ni alaba puzo iliñwi yene ni kubuzize.”

<sup>246</sup> Mi kacwalo a nyema luli fani, a li, “Amu ni tiseze mufolisi yani wa Bumulimu mi ni mubone a beleka!”

Ali, “Muzwale Best, kana wa lumela kuli batu bakona ku piliswa?”

Yena ali, “Luli!”

Ali, “Kana u tabela ku bizwa mupulusi wa Bumulimu?”

Ali, “Kaniti kutokwa!”

<sup>247</sup> “Batili. . . Sani ha si ku pangi kuba mupulusi wa Bumulimu kakuli u kotalize piliso ya mioya.”

Yena ali, “Kulukile, batili sha!”

<sup>248</sup> Ali, “Niteñi ha si pangi Muzwale Branham ku ba mufolisi wa Bumulimu ka ku kutaza foliso ya Bumulimu ya mubili. Ha ki mufolisi wa Bumulimu, u supeza batu ku Jesu Krete.”

<sup>249</sup> Mi yena ali, “Amu mutise kwanu, ni mubone i nza beleka! Ni bata ku talima fa batu, silimo si lisiñwi kuzwa kacenu, mi Ni ka mi bulelela haiba Ni ka Li lumela kamba batili.”

<sup>250</sup> Muzwale Bosworth ali, “Muzwale Best, seo si u twahala sina taba yeñwi fa Kalvary, “Tuluka fa Sifapano mi lu ka Ku lumela.” Mwabona?

<sup>251</sup> Mi kacwalo, oh, mi kutuha fani a huwa luli. Sa li, “Ni bata ku mubona inza beleka! Ni bata ku mubona inza beleka!” Baongaongi ba mu inisa. Sa ya inza zamaya kwani, mi ne kuna ni mukutazi wa Pentekota yana yemi kwani, natilo mu bakulela ona kwani kwa katala. Mi kacwalo ba mu tuhelisa ona fani. (Kacwalo Muzwale Bosworth ali, “Kwanu, kwanu! Batili, batili.”) Kacwalo baongaongi bamu inisa fafasi.

<sup>252</sup> Raymond Richey a nanuha, ali, “Kana bo kona buino bwa Mukopano wa ba Southern Baptist?” Ali, “Mina bakutazi ba Baptist, kana ba Mukopano wa Southern Baptist neba lumile muuna yo kwanu kamba u itezi ili yena?” Ne basika alaba. Yena ali, “Ni ku buzize!” Na ba ziba, mañi ni mañi.

<sup>253</sup> Se bali, “U itezi ili yena.” Kakuli Na ziba kuli ba Baptist balumela mwa foliso ya Bumulimu, nibona. Kacwalo a bulela kuli, “U i tezi ili yena.”

<sup>254</sup> Kona kuli se kona sene si ezahalile kasamulaho. Mi Muzwale Bosworth ali, “Na ziba Muzwale Branham u mwa mukopano, haiba a lata kuto lukulula batu, ku lukile.”

Kacwalo Howard ali, “U ine u kuzize!”

Se nili, “Ni inzi ni kuzize.”

<sup>255</sup> Mi ona fani Sesiñwi sato utwahala, sakala ku potoloha, mi ne Ni zibile kuli Neli Lingeloi la Mulena, lali “Na nuha!”

<sup>256</sup> Batu baba eza mianda ye ketalizoho ba beya mazoho abona hamoho sina *cwana*, ba panga mukoloko, kuya kwa katala.

<sup>257</sup> Se nili, “Balikani, Na ha ni mufolisi wa Bumulimu. Na ni muzwale wa mina.” Se nili, “Muzwale Best, a sina. . .” Kamba, “Muzwale Best,” Se nili, “kusina ku ku shwaula, muzwale waka, batili shangwe. U na ni liswanelo kwa tumelo ya hao, ki mo ni inezi ni Na.” Se nili, “Kakuli, wabona nosakoni ku lemuha sani, taba ya hao, ka Muzwale Bosworth. Kamba niheba ka yomuñwi yana balilwe mwa Bibebe, yaziba lika zani.” Se nili, “Mi kuya fela ka kufolisa batu, Ha ni koni ku ba folisa, Muzwale Best. Kono Ni teni kwanu busihu ni busihu, haiba ubata kubona Mulena inza eza limakazo, u tahange. Wa ezanga cwalo busihu ni busihu.”

<sup>258</sup> Mi yena sali, “Ni tabela ku kubona ha u folisa mutu mi ni mu talime! Ha kulata wakona ku ba fofaza ka makilikicani a hao, kono” ali “Ni ka tabela kubona zeo mwa silimo sesiñwi!”

Se nili, “Kulukile, ukaba ni tukelo ya ku ba tatuba, Muzwale Best.”

<sup>259</sup> Yena ali, “Hakuna se muli sona mina ba basina ngana kono muba pikuluhi ba bakenile mulumela lika ze cwalo. Ba Baptist ha ba lumeli mwa bukuba bobu cwalo.”

<sup>260</sup> Muzwale Bosworth ali, “Fa nako nyana fela.” Ali, “Ki babakai batu kwani, mwa lisunda ze peli ze kwanu za mukopano, baba yemi ka mayemo a mande ni likeleke ze za ba Baptist kwanu kwa Houston, ba ba kona ku nyakisisa kuli mu folisizwe ki Mulimu ya Mata kaufela fa nako yeo Muzwale Branham a nzali kwanu?” Mi baba mianda ye milalu bayema. Ali, “Cwale ba bo?”

<sup>261</sup> Sa li, “Ha ki ma Baptist!” Ali, “Mutu kaufela wa kona ku paka sika kaufela, sani ha si bonisi kuli si lukile!”

<sup>262</sup> Ali, “Linzwi la Mulimu lili ku lukile, mi ha ukoni ku hanisa sani. Mi batu bali si lukile, kona kuli ha ukoni ku kutisa sani fafasi. Kacwalo u ka eza sikamañi ka sona Sona?” Mwabona, sina cwalo.

<sup>263</sup> Se nili, “Muzwale Best, Ni bulelanga fela sesili Niti. Mi haiba Ni ya sepahala, Mulimu una ni ku yemela Niti.” Se nili, “Haiba Ha ezi cwalo...Haiba Ha na kuyemela yona Niti, kona kuli Ha ki Mulimu.” Mi se Nili, “Ha ni folisangi batu. Ne ni pepilwe ni—ni mpo ya ku bona lika, ku libona hali ezahala.” Se nili, “Na ziba ha ba Ni utwisisangi, kono ha Ni koni kukezeza sika kwanda kutaleleza pizo ya pilu yaka.” Se nili, “Ni lumela kuli Jesu Krete nazuhile kwa bafu. Mi haiba Moya o ni bonisanga lipono ni zeñwi cwalo, haiba foo kuna ni lipuzo, muliñole mi mu batisise.” Se nili, “Ani kona mafelelezo.” Kono se Ni bulela kuli, “Kono kwa neku laka, Ha ni koni ku ikezeza sika kana feela.” Mi se Nili, “Haiba Ni bulela Niti, Mulimu una ni kuni nyakisisa, ka kupaka kuli Ki Niti.”

<sup>264</sup> Mi ka yona nako yani, Sesiñwi satolila, “Whooooosssh!” Kiyo Inza taha, inza taha ka ku shetumuka. Mi Katengo ka baba Pikicanga ba mwa America, ba Douglas Studios mwa Houston, Texas, kakuba ni kamera ye tuna yene tomilwe fani (baba ha nisanga ku kopa maswaniso), bato kopa siswaniso.

<sup>265</sup> Hane bali kwani kuli bange maswaniso Bo. Best, mi—a abulela kuli, Ni sika yofita kale kwani, sa li, “Libelela ka muzuzu fela! Ni nani batu babazwa kwa tutengo totusilezi twa maswaniso ba bataha!” Sa li, “Kifo, pikica siswaniso saka cwale!” Mi a supa munwana wa hae fa ngo ya mutanga yatozizwe yani, sina cwana, ali, “Cwale aku ni swanise!” Mi baeza cwalo. Mi ahoha ñindi ya hae ni ku inanula, ali, “Cwale aku niswanise!” Mi ba pikica ona cwalo. Mi sa eza cwalo, ku libelela ku napuliwa kwa hae. Ali, “Muka bona se mwa magazini yaka!” sina cwalo.

<sup>266</sup> Muzwale Bosworth nayemi fani mi nasika bulela ni sesikana. Mi seba isa fela siswaniso sa Sona.

<sup>267</sup> Hane lukuta kwa ndu busihu bwani, (mushimani wa Katolika nai lwezi), sali ku mushimani yomuñwi yani, ali, “U na hana sikamañi ka Sani?”

<sup>268</sup> Yena ali, “Na ziba ne Ni mu kananisanga. Kolu yani yene zwile fa mumizo wa musali, Ne ni bulezi kuli namu foufalize.” Sali, “Kambe ne ni ka fosa ka sona.”

Ali, “Wena u nahana sikamañi ka siswaniso sani?”  
“Hani zibi.”

<sup>269</sup> Ba yo ibeya mwa acid. Kise siswaniso sa hae fa, mwa kona ku mubuza haiba mu lata. Neba ile kwa ndu, a yoina fani ni kuzuba kwai. Ayokena ni kucomola iliñwi ya za Muzwale Bosworth, ne kusina sika. Kucomola ama beli, amalalu, amane, a ketalizoho, asilezi, mi kaufela ona naali mukungulu. Mulimu akoni ku lumeleza siswaniso sa mutanga Hae ya tozizwe muuna muhulu inza yemi fani ka buipi, ni ngo ya hae, kamba lizoho, ñindi inze i nyanganya mwa tasa ngo ya hae sina cwalo. Ha koni kulumeleza zani.

<sup>270</sup> Neba comozi ni ye tatama, mi ki Lani fani. Muuna yani na kula butuku bwa pilu, se bali, busihu bwani.

<sup>271</sup> Mi ba lumela negativi yani kwa Washington, D.C. Neba zo i hatisa, ni ku i luma hape.

<sup>272</sup> Mi George J. Lacy, yo muhulu wa ba F.B.I. mwa lihatiso za minwana ni mapampili, ni zeñwi cwalo, alimuñwi wa ba batuna ba mwa lifasi loote, naa tisizwe kwani anga mazazi amabeli ku tatuba kamera, liseli,

ni lika kamukana. Mi hane lutile musihali wani, sa li, “Muluti Branham, Ni bile mulwanisi wa hao, nina.” Sa ali, “Mi se Nili neli zaku i kupulela, yomuñwi na bulezi kuli naboni Liseli lani ni lika ze cwalo.” Mi ali, “Mwa ziba, muipi wa kale na bulelanga cwalo” (natalusa ya salumeli) “maswaniso ani kaufela, mulilo wani wo tingulukile Krete, kupotoloha baketwa,” sa li, ‘sani neli fela kubala ngana ya batu.’” Kono ali, “Muluti Branham, liito la bucaziba bwa kamera ye ha likoni ku napula ngana ya butu! Liseli neli monyehile fa liito, kamba ku laita fa negativi, mi se Liba fani.” Mi sa li. . .

<sup>273</sup> Ne ni ba tambekile yona. Yena ali, “Oh, muñaka, kana wa ziba seo sani siyemela?”

Mi se Nili, “Isiñi kuna, muzwale, isiñi ku kuna.” Mi kacwalo sali. . .

<sup>274</sup> “Kakuli, ha lina kuba ni mata haibile wa pila, kono ka zazi leliñwi, haiba litaba za zwelopili likaya kwa pata ni Bukreste bu bateni, ku na ni se sika ezahala kase.”

<sup>275</sup> Kacwalo, balikani, busihu bo, haiba kwa kona kukopana kwa luna kwa mafelelezo mwa lifasi le, mina ni Na luinzi fa Pila Mulimu ya Mata. Bupaki bwaka ki bwa niti. Lika, lika zeñata ñata, likona ku mingela libuka ze ñata kuli muli ñole, kono Ni bata kuli muzibe.

<sup>276</sup> Ki babakai mwahali mo bao kaniti, kusina siswaniso, baba boni Liseli Tota ha linze li yemi ha Ni kutaza? Muyemise mazoho amina, mwa muyaho kaufela, mutu kaufela yakile a Libona. Mwabona, ki ba ba ketalizoho ka babalalu kamba mazoho aba ba lishumi ku ba ba inzi mo.

<sup>277</sup> Mubulela kuli, “Kana—kana bakona ku Li bona mi na nipalelwe ku Li bona?” Eeni, sha.

<sup>278</sup> Yani—yani Naleli yene ba latelela baana ba babutali, ne i fitelezi kamukana za lipatisiso. Hakuna ya na I boni kwanda bona. Neli bona fela bene ba I boni.

<sup>279</sup> Elia nayemi fani inza talima fa makoloi ani i nzaa tuka mulilo, ni lika kamukana. Mi Gehazi na talimile kafa ni kafa, na sakoni kuba bona. Mulimu naize,



“Kwalula meto a hae kuli a kone ku bona.” Mi kutuha fani se a abona, mwabona. Kono nali mutangana yomunde, i nza yemi kwani kutalima talima, kono nasa koni ku abona. Luli. Ku filwe ku babañwi kuli ba bone, mi babañwi basike babona. Mi yani ki niti.

<sup>280</sup> Kono cwale mina ba basika Li bona kale, ha musika Li bona kale, ni mina ba ba Li boni fateni ka meto a mina mi a musika bona kale siswaniso, kono ya boni siswaniso una ni bupaki bwa niti kufita mina baba Li boni ka meto a mina bañi. Kakuli mina, ka meto a mina fela, hakulata mwa kona ku lyanganeha, mwendi neli fela liseli la mwa meto. Ki niti yeo nji? Kono lani haki liseli la buhata la meto, Yani ki Niti, ko lipatisiso za sayansi li nyakisisa kuli Ki Niti. Kacwalo Mulena Jesu u ezize taba ye.

“Cwale muhupula kuli Seo ki sikamañi he,” mu li, “Muzwale Branham?”

<sup>281</sup> Ni lumela kuli Sani ki Sita se si swana sa Mulilo se nesi etelezi bana ba Isilaele kuzwa kwa Egepita kuya kwa Palestine. Na lumela kuli ki Lingeloi le li swana la Liseli lene litile mwa—mwa tolongo ni ku taha ku Mulatiwa Pitrosi ku to mu swala, mi laya kwa pata ku yo kwalula sikwalo ni ku mu beya mwa liseli. Mi Ni lumela kuli yani Ki Jesu Krete yaswana mabani, kacenu, ni kuyakuile. Amen! Ki Jesu yaswana kacenu ka mwa Na inezi mabani. U kaba kuya kuile Jesu ya swana.

<sup>282</sup> Mi ha Ni sweli ku ambola kaza Lona, ona Liseli le li swana lani leli inzi fa siswaniso...liyemi isi kwa hule ni fo Ni yemi ona fa cwale. Yani ki niti. Ha nikoni ku Li bona ka—ka meto aka, kono Na ziba Li yemi onafa. Na ziba Li inzi mwahali aka ona fa. Oh! Kambe ne mu kaziba feela shutano foo mata a Mulimu ya Mata aswalanga, ni mo lika li bonahalela kushutana!

<sup>283</sup> Yani ki taba luli, mutu kamukana. Ne nisa lukeli kulapelela baba kula, ne Ni ka ipeya fela ka seo. Kono pono isweli kulepelela fa batu. Uh-huh. Mulimu wa ziba zateni. Ha nina kubiza ba ku lapela, Ni ka mi tuhela kuli muine ona fo. Ki batu babakai ku mina

ba ba sina makadi a litapelo? Ha lu boneñi mazoho amina, mutu yasina kadi ya tapelo, yasina kadi ya tapelo.

<sup>284</sup> Musali yo munsu yainzi fa, Ni boni kuli no yemisize lizoho la hao. Ki niti yeo nji? Yema fela kuli Ni kone ku ku nopa hande fa muzuzu fela. Ha ni zibi seo Moya o Kenile uka bulela, kono usweli ku ni talima ka ku sephala luli. Hauna kadi ya tapelo? Haiba Mulimu ya Mata uka ni patululela butata bwa hao. . . Ni eza fela se ka ku kala fela, kuli ni kale fela. Kana wani lumela kuba. . . Waziba ha kuna sika. . . ha kuna sika se sinde kuna nisilisiñwi. Haiba u musali ya nyezwi, Ha nifiti muuna hao. Ni mutu feela. Kono Jesu Krete ki Mwana Mulimu, mi U lumile Moya wa Hae kuto nyakisisa lika ze.

<sup>285</sup> Haiba Mulimu uka ni bulelela butata bwa hao (mi wa ziba kuli hakuna mo ni kona ku ku buzeza pili ni hanyinyani), kana no ka lumela ka pilu ya hao kaufela? [Kazeli wa alaba—Mu.] Mulimu a ku fuyole. Kona kuli butuku bwa mali buzwi ku wena. Kona sono nani. Nji nesi cwalo? Kacwalo ina fafasi.

<sup>286</sup> Mulumele nako yona yani fela! Ni laela mutu kamukana kulumela Cwalo.

<sup>287</sup> Mutalime kwanu, ni mi bulelele sesiñwi. Mareta, hana tile ku Mulena Jesu. Mpo yani kambe neisika beleka. . . Fani Ndate hanase a Mu bonisize kale sa na Ka eza. Kambe ne isika beleka. Kono na ize, “Mulena, Ni. . . Kabe Ne u li kwanu, kaizelaka kambe ha sika shwa.” Sali, “Kono Ni ziba kuli niheba cwale So ka kupa Mulimu, Mulimu U ka kufa sona.”

<sup>288</sup> Yena ali, “Ki na Zuho ni Bupilo, ya lumela ku Na ni ha shwile, uka pila hape. Mi ya pila kaufela mi a lumela ku Na hana kushwa. Kana wa lumela seo?”

<sup>289</sup> Muteleze ku zana bulezi. Na ize, “Eee, Mulena. Ni lumela kuli kaufela Zo bulezi ki za Niti. Na lumela kuli ki Wena Mwana Mulimu yana swanezi ku taha mwa lifasi.” Ani neli ona manzwi ahe, ka bu ikokobezo.

U i kutwa kushutana, nji cwani, musizana? Eee. Yani ki niti.

<sup>290</sup> Musizana yomunyinyani yainzi ona fani, foo bukaufi ni wena, niyena, ukula butuku bwa kuopa mwa lingongo ni butata bwa sisali. Nji ha ku cwalo, kalibe? Yema fa muzuzu fela, musizana wa sanana ya tinile ndelesi ye fubelu. Ne uli hahulu fa kaufi, pono iwezi wena. Kuopa mwa lingongo, butata bwa sisali. Ki niti yeo nji? Mi kise fa sesiñwi mwa bupilo bwa hao (u nani—una ni u talimile hande ku wena): u na ni lipilaelo zeñata mwa bupilo bwa hao, butata bo butuna. Mi butata bo ki bwa mulatiwa wa hao, ki muuna hao. Ki cakolwa. Ha yangi ni kwa keleke. Haiba yani ki niti, yemisa lizoho la hao. Mulimu aku fuyole, kalibe. Zamaya cwale mi u amuhele mbuyoti ya hao. U folisizwe, liseli li ku monyehezi.

<sup>291</sup> Muuna ya inzi bukaufi ni yena fani. Wena, muñaka, wa lumela? [Muzwale uli, “Eeni. Na lumela.”—Mu.] Ka pilu ya hao kaufela? [“Eeni, sha.”] U latehezwi ki iliñwi ya maikuto a hao. Ani ki maikuto a ku nunkelela. Nji ha ku cwalo? Haiba ku cwalo, nyanganyisa lizoho la hao. [“Yeo ki niti.”] Beya lizoho la hao fa mulomo wa hao, sina *cwana*, uli, “Mulena Jesu, Na Ku lumela ka pilu yaka kaufela.” [“Mulena Jesu, Na Ku lumela ka pilu yaka kaufela.”] Mulimu a kufuyole. Zamaya cwale. U ka amuhela foliso ya hao.

<sup>292</sup> Mube ni tumelo ku Mulimu! Mina kamukana mu nahana sikamañi ka Sona, kwa mulaho koo? Kikuli mwa lumela? Amu ishuwe!

<sup>293</sup> Kuna ni musali yainzi kwani kwa mulaho mwa lilulu. Ni bona Liseli lani linze lilepelela fa halimu ahae. Yani kona fela nzila yeo Ni kona kubulela ka za teni, Liseli lani lisweli ku nyendaela. Liseli *le* ona fa la lepelela fa toho ya kalibe. Mwendu mwa muzuzu feela, haiba Ni kona kubona seo sili sona. Sika zibahala...Kalibe u katazwa ki—ki butuku bwa pilu. U nza ni talimile.

<sup>294</sup> Mi muuna hae u inzi bukaufi ni yena. Mi muuna hae una ni butuku bobuñwi, ubile akula cwalo, ka kufilikana, inza kula. Ki niti yeo kana, muñaka? Yemisa mazoho a hao haiba yeo ki niti. Yani ki niti,

ki wena, kalibe, ni lisila lelinyinyani fani. Ni ndate tunayo, ha ki niti yani? Kana ha u sika ikutwa kufilikana fela kacenu? U i kutwa kufipelwa mwa mba ya hao, wena muuna. Yani ki niti.

<sup>295</sup> Kaufela mina mu lumele ka lipilu za mina, sibeli sa mina? Mwa Si amuhela? Muñaka, Na mi bulelela, ni wena, Ni kubona ni lizoho la hao mwa halimu, mukwa wa kuzuba. Utuhele ku ezanga zeo. U zubanga kwai, ha ulukeli kueza cwalo, zani za ku kulisanga. Nji haki niti yeo? Haiba ki niti, nyanganyisa lizoho la hao sina cwana. Seo kona se si ku filikanyanga. Ki ze maswe mwa misinga ya hao. U yumbe lika ze masila zeo mi usike wa lieza ni kamuta, mi u kaba hande luli ni buiketo, mane ni pilu ye kataza musala hao ika fola. Wa lumela cwalo? Haki niti yeo nji? Ha nisa kubona kuzwa fa, mi wa ziba cwalo, kono u lwezi kwai mwa . . . mwa—mwa pokoto ya hao ya kwa pata. Yani ki niti. U zwise lika zeo mi u kambeke lizoho la hao ku musala hao, u bulelele Mulimu kuli utuhezi lika za mufuta woo, u ka ya kwa ndu ya hao hande, wena ni musala hao mu ka foliswa. Ku lumbwe Libizo la Mulena Jesu!

Kana mwa lumela ka lipilu za mina kaufela nji?

<sup>296</sup> Musizana yo munyinyani yo yainzi fa inza ni talima kwanu. Wena yali . . . kwani kwa sipula sa kwa pata, ya inzi ona fa. Musizana yomunyinyani ni . . . inza ni talima, ya inzi ona fani. Hauna . . . Kana una ni kadi ya tapelo, kalibe, ona faa? Ha una neba kadi ya tapelo? Kana wa lumela ka pilu ya hao kaufela? Wa lumela kuli Jesu Krete wa kona ku ku folisa?

<sup>297</sup> U nahana sikamañi ka Sona, wena ya inzi bukaufi ni yena? Kana una ni kadi ya tapelo, kalibe? Ha una? U bata ku foliswa, ni wena? Kana wa tabela kuyo canga mo nocelanga, butata bwa mwa mba ya hao habuka fela? Kana wa lumela kuli Jesu wa ku folisa cwanoñu? Yema haiba wa lumela kuli Jesu Krete uku folisize. No nani litombo za mwa mba, nji cwani? Ne litahile kuzwa mwa butuku bwa minahano. Ubile ubilaela fa nako yetelele. Sihulu acid ni lika ze cwalo, kamba Ni taluse kuli neli panganga acid, ni ku ku tisezanga mbwengeya mwa meno hane utokolanga

lico mwahanu. Yani ki niti. Eeni, sha. Ki litombo ze butuku luli, neli inzi kwa tasa mba ya hao. Fo kuñwi neli bilanga sihulu hasa mulaho wa kuca lico ze nani zelambilwe ku zona. Yani ki niti? Ha ni bali mihupulo ya hao, kono Moya o Kenile hau palelwi. U folisizwe cwale. Zamaya kwa ndu, ube hande.

<sup>298</sup> Kana mueza sikamañi kwa mulaho koo kwa neku le? Babañwi ba kumina kafo ba basina kadi ya tapelo, mu yemise mazoho a mina. Ya sina kadi ya tapelo. Kulukile, mube ni kuishuwa, mu lumele ka lipilu za mina kaufela. Kucwañi fo ku mina fa halimu? Mube ni tumelo ku Mulimu.

<sup>299</sup> Ha ni koni kuezsa se ka na muñi, ki muhau wa Hae fela o mutuna. Kana mwa lumela? Ni kona ku bulela fela ka Mo a ni boniseza. Sina tumelo ya mina... Ni bulela seo kwa ku zusulusa tumelo ya mina, mi nibone fela nzila Yaka ni zamaisa ka yona. Kikuli mulemuhile yo—yo haki muzwale wa mina? Muyemi fa Pila Hae. Haki na ya eza lika ze, ki tumelo ya mina ye sweli ku Li belekisa. Na hani koni ku Li beleka. Ki tumelo ya mina ye sweli li sebeza. Ha nina nzila ya ku Li sebelisa. Fa muzuzu fela.

<sup>300</sup> Mwa lilulu le Ni bona muuna yomunsu yainzi kwani, u bonahala buhulu, u tinile ma gilasi. Mu na ni kadi ya tapelo, muñaka? Aku yeme fa muzuzu nyana. Kana wa ni lumela kuli ni mutanga a Mulimu, ka pilu ya hao kaufela? Usweli kuhupula ka mutu yomuñwi, nji cwani? Haiba yeo ki niti, nyanganyisa lizoho la hao. Isiñi kuli ki na, muzwale wa hao. Cwale, hauna kadi ya tapelo. Ne kusike kwaba nzila ni yekana fakuli u kene mwa mukoloko, kakuli ha una kadi ya tapelo. Cwale, haiba yomuñwi wa mina una ni kadi ya tapelo, musike—musike—musike mwa nanuha, mwabona, kakuli muna ni kolo ya kutaha mwa mukoloko.

<sup>301</sup> Kono Ni bona Liseli lani lisweli kunyendaela fa halimu a hae. Ha si sika fita kale kuli ibe pono haisali. Ha ni koni kuku folisa, muzwale, Ha ni koni. Ki Mulimu fela ya kona kuezsa seo. Kono muna... muna...muna ni tumelo. Mwa lumela. Mi ku na—kuna ni sesiñwi, se—si tahile ka, nzila yeñwi.


<sup>302</sup> Haiba Mulimu ya Mata uka ni bulelela muuna yo butata bwa hae, kikuli mina baba siezi muka amuhela foliso ya mina? Kuna ni muuna, ya yemi hande ka liñokolwa ze lishumi, ze lishumi ka liketa lizoho kuzwa kuna, ha Ni sika mubona kale mwa bupilo bwa ka. Ki muuna fela ya yemi fani. Haiba Mulimu ya Mata uka patulula se si kataza munna yani, mañi ni mañi wa mina uka zamaya kuzwa mo ali ya folisizwe hande. Ki ze tuna cwani za kona kueza Mulimu? Ki niti yeo nji?

<sup>303</sup> Muñaka, ha kuna se si fosahalile ni wena. Wa fokola, wa pasumukanga mwahala busihu, sikobyoti ni ze cwalo, kono niteñi boo hakona butata bwa hao. Butata bwa hao bu amana ni mushimani wa hao. Mi mwana hao ki ya takana cwalo mwa sibaka sa lipulumuki, mi una ni si zuhela. Kiniti yeo kana? Nyanganyisa lizoho la hao haiba yani ki niti. Yani ki niti luli.

<sup>304</sup> Ki babakai ba ba lumela kuli Jesu Krete Mwana Mulimu uyemi mo? Ha luyemeñi lufe milumbeko ni kuamuhela foliso ya luna.

<sup>305</sup> Mulimu ya Mata, Makalelo a Bupilo, Mufani wa mpo yende kamukana, U teñi mo, yena Mulena Jesu Krete yaswana, maabani, kacenu, ni kuyakuile.

<sup>306</sup> Mi, Satani, u pumile batu ba nako ye telele kulikani, uzwe mwahala bona! Na ku laela ka Mulimu ya pila yo Pata ya Hae ili teni mo cwale mwa mufuta wa Sita sa Mulilo, basiye batu ba! Mi uzwe mwa hala bona, ka Libizo la Jesu Krete!

<sup>307</sup> Mutu ni mutu wa mina muyemise mazoho a mina mi mu lumbeke Mulimu, ni ku amuhela foliso ya mina, mina kaufela. [Kopano ilumba Mulimu—Mu.] 

Hasamulaho wa kubala buka ye, haiba mutabela ku ikungela lizibiso zeñwi kaza Rev. William Branham ni bulumiwa bwa hae, shangwe mulumele kwa ofisi ye kwatasi:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)